

采芳隨筆卷二十二

北平查 彬伯埜輯

麥一名來又作稜小麥也有鹵水麥稅麥旋麥赤小麥山
提小麥半夏小麥禿芒麥等種大麥一名牟與小麥相
似莖微麤葉微大有穰麥赤麥青裸麥黑穰麥等種此
外又有稔麥糯麥以秋種故為首種孟夏之月為麥秋
春秋麥禾不成則書此以見五穀最重麥與禾也回鶻
地又有白麥青麥麴麥木蘭國有三寸麥四月雨後謂
之麥秀寒徐凌集有麥冷之語瑞麥則有雙岐或三穗
四穗五穗九穗唐任瑗有瑞麥賦崔融有嘉麥表樂天

刈麥云田家少閒月五月人倍忙夜來南風起小麥覆
隴黃婦姑荷簞食童穉攜壺漿相隨餉田去丁壯在南
岡足蒸暑上氣背灼炎天光力盡不知熱但借夏日長
復有貧婦人抱子在其旁右手秉遺穗左臂懸弊筐聽
其相顧言聞者為悲傷家田輸稅盡拾此充飢腸今我
何功德曾不事農桑吏祿三百石歲晏有餘糧念此私
自愧盡日不能忘鄭台文詩云聖慮憂千畝嘉苗薦兩
歧如雲方表盛成穗忽標竒瑞露縱橫滴祥風左右吹
謳謠連上苑化日遍平坡史冊書堪重丹青畫更宜願
依連理樹俱作萬年枝張聿詩云瑞麥生堯日芄芃兩

露偏兩岐分更合異畝頴仍連
奠獲明王慶寧惟太守
賢仁風吹靡靡甘兩長芊芊
聖德應多稔皇家配有年
已聞天下泰誰為濟西田
宋王半山陂麥云陂麥連雲
慘淡黃綠陰門巷不多涼
更無一片桃花在借問春歸
有底忙東坡鴉種麥行云
霜林老鴉閒無用畦東拾麥
畦西種畦西種得青猗猗
畦東已作牛尾稀明年麥熟
芒攢槩農夫未食鴉先啄
徐行俯仰若自矜鼓翅跳踉
上牛角憶昔舜耕厯山鳥為
耘如今老鴉種麥更辛勤
農夫羅拜鴉飛起勸農使者
來行水子由穫麥云少年
食稻不食粟老居頴川稻不
足人言小麥勝西川雪花

水磨煮成玉令淘槐葉冰上齒湯餅羊羹火入腹五年
隨俗麤得飽晨朝稻米纔供粥兒曹知我老且饒觸熱
泉城正三伏田家有信呼即來亭午驅牛汗如浴吾兒
生來讀書史不慣田家爭斗斛今年久旱麥粒細及半
罷休饒老宿歸來爛漫睨蒼耳來歲未知還爾熟百口
且留終歲儲貧交強半倉無穀張芸叟打麥云打麥打
麥彭彭魄魄聲在山南應山北四月太陽出東北纔離
海嶠麥尚青轉到天心麥已熟鷓旦催人夜不眠竹雞
呼雨雲如墨大婦腰鑿出小婦具筐逐上壠先將青下
壠已成束田家以苦乃為樂敢憚頭枯面焦黑貴人薦

廟已嘗新酒醴雍容會所親
曲終宴飫勞僮僕豈信田
家未入唇盡將精好輸公賦
次把升斗求市人麥秋正
急又秧禾豐歲自少齒歲多
田家辛苦可奈何將此打
麥詞無作插禾歌范石湖瑞
麥云民和神福固其宜况
有仁先四者施吳稻即看收
再熟周年先已秀雙岐薰
風半老黃金穗梅雨重春綠
玉枝樂不可支聊發詠田
間日日是芳時陸放翁歌云
苦寒勿怨天雨雪雪來遺
我明年麥三月翠浪舞東風
四月黃雲暗南陌坐看比
屋歡騰聲已覺有司寬吏責
腰鑿丁壯傾閭里拾穗兒
童動千百玉塵出磨飛屋梁
銀絲入釜須寬湯寒醅發

劑炊麩裂新麻壓油寒具香大婦下機廢晨織小姑佐
庖忘晚妝老翁飽食笑捫腹林下擊壤歌時康又種麥
云墾地布宿麥飯牛臨野池未能貪沸日正恐失農時
矻矻鋤耰力勤勤祝史辭嘉平得三白吾飽豈無期朱
子葱湯麥飯云葱湯麥飯兩相宜葱補丹田飯療飢莫
謂此中滋味少前村還有未炊時楊誠齋詩云無邊綠
錦織雲機全幅青羅作地衣個是農家真富貴雪花消
盡麥苗肥戴石屏刈麥云腰鑿上壠刈黃雲東家西家
麥滿門前村宜婦拾滯穉饘粥有餘炊餅餌我聞淮南
麥最多麥田今歲屯干戈飽飯不知征戰苦生長此方

真樂土方秋崖農謠云春雨初晴水拍堤村南村北鷓
鴒嗚含風宿麥青相接刺水柔秧綠未齊小麥青青大
麥黃護田沙逕遶羊腸秧畦岸岍水初飽塵甑家家飯
已香夏英公白云似法陰爻呈六穗或符陽數效三岐
元王元善題瑞麥圖云汝南今歲麥連雲一氣祥蒸德
化循春露潤含千壠秀薰風披拂五岐新嘉禾共穎宜
同頌神草聯莖恐漫珍旌異穎川元有例會聽增秩佐
經綸明瞿宗吉麥浪云翠濤無際拍天浮水氣生涼四
月秋路隔壠頭高抵岍人騎牛背穩如舟腥風只恐藏
魚鼈雪羽頻看起鷺鷗滄海桑田何足怪黃雲割盡見

平疇申瑤泉麥浪云芄芄秀色挺來牟片片黃雲似水
流風作跳波時隱見兩添新漲乍沈浮晴畦錦漾千層
穀寒隴濤生四月秋却怪狂瀾頻起陸漫教文偉賦中
收甘矮梅葱湯麥飯云葱湯麥飯丹田暖麥飯葱湯亦
可憐試向城樓高處望人家幾處未炊煙董思白太廟
薦麥云闕宮朝起肅精裡御苑來牟及薦新九葉靈光
開大歷雙歧瑞穎獻昌辰風迴玉几馨先稷露裛金莖
潔似蘋一自寢園祈報後於皇清頌遍周民近時田山
蘊麴云釀酒先治麴如穀之初種白墮傳方法牟麥獨
可用揉以薑杏汁包猶菰葉糉麴餅十字裂月令三伏

仲晝曝亭午炎夜滋花露重赤腳長鬚徒不異猿狙衆
竹管榿木盆朝暮相搬弄西村黍將熟新米農夫送桑
落菊花開浮蛆成數甕車前擁八騶誰復為此夢但結
麴生歡不支大官俸對之口流涎樹間秋鳥哢未便荷
鍤埋已作酒德頌謝方山說餅聯句云臘殘邊氣寒霰
霽朔風冷官閒稀儼直晷短謝朝請經過趁馬蹄羅列
見盃皿既飽更設食造次愧暇整厨娘理寒具中坐出
環餅色侔琅邪稻種類安定麩方法微胡麻調和汲冰
井摒擋亂紛紛團圞成俄頃蘭湯漱玉屑冰穀翦蟬影
圓疑鏡卸盤艷若金脫礦一輪巧中規百鍊滅無賴淨

煩上池澗勺想纖手打并刀快割截齊純妙清省霏微
玉蚪甲胸眺顧兔景蝦蟇蝕月渴驪龍攫珠猛頌德愛
芳香徵名欣合併品寧遜粒粒形已同項領薰蒸浮渴
釜纖皙悅饒晴既足慰饕餮更可祝噎哽燈窺晃琉璃
酒漬散縻綆蹲齒狂客誕手潔唐帝做十字笑曾侈四
片嗤鸞省一笥得都尉再啖失洛潁果然適莽蒼決去
惜戲齧平生厭藜苳腸飢叫鼃暉忽驚食單富坐成腹
負青染指無遷延下箸皆雋永雞臠未足珍鵝炙詎堪
並裹肉快抽乙丞魚嘉出丙乍見天覆盆旋看日銜嶺
沃以壑源茶再鼓氣逾逆僮奴饜香風飢涎滴侯頸朗

月光漸移嚴寒夜屢警炙手藝松明引滿剖楓癭杯深
一燈青坐久衆星耿酒竭吁勤斟燭跋催速秉醉客冠
墜箕倦僕頭觸屏霜重壓狐腋坼急吠盧令世態笑井
泥生涯嘆桃梗簪盃殊復難拍動矧多幸飽死憐侏儒
形忘破畦町加餐雪花融覓句林鳥靜炙轂任縱橫注
坂競馳騁鬪險氣凌韓掞藻詞逼郢怪思筆然犀快語
喉吐鯁心苦飜食牛律巖弓束檠翦綃成竒文嚼蔗得
佳境衆工聚輪輻六齋作鐘鼎百年空牢愁一醉歸溟
濤此樂當語誰故山寄張邴吳東壁光餅云餅師曉藝
紅爐炭光餅羅羅出火熯初疑穿破沈郎錢還如壓匾

韓嫣彈聞昔南塘戚將軍禦倭遠走東海岸三軍千里
裹糧來徵發往往誤朝饗特作此餅散軍中一串隨身
挂鎧鈇干戈衝斥任鯨吞臨陣含哺和血汗身經百戰
兵不飢士氣激發倍獍悍以此克奏保障功東南半壁
擁屏翰將軍去今二百年餅式依然傳里閭此餅因冒
將軍名婦豎知名日相喚我生太平不知兵出謀不翅
肉食漢朝來市得數十枚一時恣啖早過半朵頤最喜
得真味入座無事求鹽蒜有時為客添肥甘裹食呼童
割膾胖飽餐閒聽餅家謳鼓腹遊行樂無算走筆書成
光餅歌饌經補作新公案錢脩亭麥浪云芳草如煙煙

不如汶陽晴浪麥光舒忽驚暎水偏飛雉失喜臨洲誤
羨魚幾縷絲飄輕燕外廿番風度落花餘青疇不斷明
湖色試聽田歌答老漁王澡航積熙刈麥云踈籬茅屋
戶常闕別後三年倦又還識得萬鍾皆瑣瑣爭如十畝
自閑閑聽來牧笛遙遮樹望去人家半倚山二麥收成
饒餅餌朝餐婦子一歡顏曹地山秀先麥色云深青竊
綠色頻添春麥詩成 睿藻拈佇眄黃雲初夏熟欣逢
翠蹕萬人瞻香烟隴畔嬉遊過令甲 官家愛惜嚴
最是風光絕勝處日暘日雨兩相兼金醉墨麥脚云兩
岐九穗陌阡覃餅餌香傳作羨談綠浪連畦征鴈北黃

雲覆壠凱風南鬚先肅殺風吹亞秀早離披日熨酣大
軫貢來香復碧好教磨賦共相叅閨秀錢冠之麥粥云
亭午松牕夢到無清風飯熟滑於酥二紅省識蘇家樣
肯厭冰厨脫粟粗又蝴蝶麵云飄揚白雪趁春裁疑是
羅浮入夢來誰惜一生花底活蘄湯深處現仙胎又燒
麥云延精吹燭火銷膏椎髻蓬頭氣亦豪莫笑陶家風
味冷侯門熟客慣風餐

錄附

雀麥爾雅薺雀麥即燕麥也又名鷲麥一名杜姥草一
名牛星草似小麥而弱

錄附

蕎麥一名苡麥一名烏麥一名花蕎八九月熟莖赤開

小白花唐白樂天句云獨出門前望野田月明蕎麥花
如雪宋陸放翁詩云城南城北如鋪雪原頭家家種蕎
麥霜晴收歛少在家餅餌今冬不憂窄胡麻壓油油更
香油新餅美爭先嘗獵歸爇火燎雉兔相呼置酒喜欲
狂陌上行歌忘惡歲小婦紅妝穗簪髻詔書寬大與天
通逐熟淮南幾誤計石湖句云落日青山都好在山間
蕎麥滿芳洲近時胡瓶菴詩云可愛紅莖愛雪花收時
細碾瀘輕沙白家北市風生後湯餅初擊慰齒芽韓公
復夢周蕎麥霜云種豆已死種蕎麥舉室典盡作一擲
秋禾惟有此種晚九日來雁可得食秋來雨氣亦飛揚

耳中往往聞點滴老農愁疾轉相慶已見蕎花滿地白
哀哉西風一夜狂蕎麥殺盡中秋霜管絨若蕎麥花云
春雪絮楊柳秋雪秀蕪葭晚夏何處雪連畦蕎麥花

附錄

苦蕎麥出南方春社前後種之莖青葉尖花綠穀之下
品可為糕餌

附錄

瞿麥爾雅大菊蘧麥一名麥白薑廣雅以為苾萋一名
巨向麥一名大蘭一名地麵葉細花紅紫赤子似麥
收十石性多穢作餐甚滑細可作餅

稻一名稔有稞有糯地官有稻人漢有稻田使者通稞糯
而言之也糯稻一名秣稻稞之小者謂之秣一名占稻

穀之紅白大小不同芒之有無長短不同其類有香種
小香稻雪裏棟三穗子箭子燕支赤蓋下白麥爭場青
芋稻木香秔虎掌稻赤穰稻蟬鳴稻早白稻中秋稻一
丈紅勝紅蓮擺柳稻紫芒稻紅蓮三朝齊矮白撫稻金
城種烏口稻黃稻黃陸稻豫章青赤芒青甲等名占城
有六旬稻烏私廣志有烏稞黑穰青幽白夏齊民要術
有尾紫稻青杖稻飛青稻赤甲稻烏陵稻白地稻孤灰
稻之類糯有蘆黃糯金釵糯烏香糯私糯小娘糯青稈
糯矮糯硃砂糯羊脂糯虎皮糯鐵梗糯馬駝糯秋風糯
齊民要術又有九格秫雉木秫大黃秫常秫馬身秫長

江秣惠成秣黃滿秣方滿秣虎皮秣蒼奈秣等名五穀
以稻為貴食之則對衣錦祭祀以為嘉蔬享大人以為
吉饌交趾一歲再熟稻花銀花賤金花貴午開幕合日
中香甚至有七開七合者晉陶淵明獲稻云人生歸有
道衣食固其端孰是都不營而以求自安開春理常業
歲功聊可觀晨出肆微勤日入負禾還山中饒霜露風
氣亦先寒田家豈不苦弗獲辭此難四體誠乃疲庶無
異患干盥濯息簷下斗酒散襟顏遙遙沮溺心千載乃
相關但願常如此躬耕非所嘆唐杜少陵詩云東屯大
江北百頃平若按六月青稻多千畦碧泉亂插秧適云

已引溜加溉灌更僕往方塘決渠當斷岍公私各地著
浸潤無天旱主守問家臣分明見溪伴芊芊炯翠羽刻
剡生銀漢鷗鳥鏡裏來關山雪邊看秋菰成黑米精鑿
傳白粳玉粒足晨炊紅鮮任霞散終然添旅食作苦期
壯觀遺穗及衆多我倉戒滋蔓又收稻云香稻三秋末
平田百頃間喜無多屋宇幸不礙雲山御袂侵寒氣嘗
新破旅顏紅鮮終日有玉粒未吾慳稻米炊能白秋葵
煮復新誰云滑易飽老藉軟俱勻種幸房州熟苗同伊
闕春無勞映渠盍自有色如銀韓昌黎稻畦云罽布畦
堪數枝分水莫尋魚肥知己秀鶴沒覺初深韋端已稻

田云綠波春浪滿前陂極目連雲秣稭肥更被鷺鷥千
點雪破烟來入畫屏飛宋滕白觀稻云稻穗登場穀滿
車家家雞犬更桑麻漫栽木槿成籬落已得清陰又得
花週遭圩岍繚山城一眼圩田翠不分行到秋苗初熟
處翠茸錦上織黃雲范石湖插秧云種密移疎綠毯平
行間清淺縠紋生誰知細細青青草中有豐年擊壤聲
又觀刈稿云潮到靈橋綠繞船海邊力穡屢豐年淡青
山色深黃稻恰似胥門九月天陸放翁統分稻晚歸云
出裹一簞飯歸收百把禾勤勞解堪忍餘暇更吟哦歲
惡增吾困家貧賴汝多村膠莫辭醉羹芋學岷峨又秋

晚云新築場如鏡面平家家歡喜賀秋成老來懶惰慙
丁壯美睡中聞打稻聲又稻飯云買得烏捷遇歲穰此
身永免屬官倉塘南塘北九千頃八月村村稻飯香朱
子觀刈早稻云綠雲黃半武夷鄉碧水縈紆一帶長聞
道放船飛阜蓋定知行酒載紅裳權謳如賀豐年信樂
飲閒酬此日涼禾黍誰言不陽豔晚炊流詠有餘香楊
誠齋插秧歌云田夫拋秧田婦接小兒拔秧大兒插笠
是兜鍪蓑是甲雨從頭上濕到胛喚渠朝餐歌丰雲低
頭折腰只不答秧根未牢蒔未匝照管鵝兒與雛鴨又
種秧云田底沉中迹尚深折花和葉插畦心晚秧初撚

金絨線先種輸他綠玉鍼雲壠霧疇俱水響絲風毛雨
政春深莫聽布穀相煎急且為提壺強勸斟連三山文
鳳稻花云紛紛兒女花為人作顏色眼飽聊自慰飢來
不堪食此花不入譜豈是凡花匹太陽麗天中正氣從
午得開此豐穰瑞脫彼風雨厄始華都而甘未粲光已
白我行田野間舒嘯意自適田者告我言樂歲茲可必
但期一飽死百年漫勞役又春日田園雜興云老我無
心出市朝東風林壑自逍遙一犁好雨秧初種幾道寒
泉藥旋澆放犢曉登雲外壟聽鶯時立柳邊橋池塘見
說生新草已許吟魂入夢招元趙松雪題耕圖十二首

正月云田家重元日置酒會鄰里小大易新衣相戒未
明起老翁年已邁含笑弄孫子老嫗惠且慈白髮被兩
耳杯盤且羅列飲食致甘旨相呼團圍坐聊慰衰莫齒
田磽藉人力糞壤要鋤理新歲不敢閑農事自茲始二
月云東風吹原野地凍亦已消早覺農事動荷鋤過相
招遲遲朝日上炊煙出林梢土膏脈既起良耜利若刀
高低徧翻墾宿草不待燒幼婦頗能家井臼常自操散
灰緣舊俗門逕環周遭所冀歲有成殷勤在今朝三月
云良農知土性肥瘠有不同時至萬物生芽蘖由地中
秉耒向畎畝忽徧西與東舉家往于田勞瘁在爾農春

雨及時降被野何濛濛乘茲各布種庶望西成功培根
利秋實仰天望年豐但使陰陽和自然倉廩充四月云
孟夏土加潤苗生無近遠漫漫冒淺陂芄芄被長坂嘉
穀雖已殖惡草亦滋蔓君子與小人並處必為患朝朝
荷鋤往薈耨忘疲倦旦隨鳥雀起歸與牛羊晚有婦念
將饑過午可無飯一飽不易得念此獨長嘆五月云仲
夏苦雨乾二麥先後熟南風吹壠畝惠氣散清淑是為
農夫慶所望實其腹酤酒醉比鄰語笑聲滿屋紛然收
獲罷高廩起相屬有周成王業后稷播百穀皇天貽來
牟長世自茲卜願言仍歲稔四海盡蒙福六月云當晝

耘水田農夫亦良苦赤日背欲裂白汗灑如雨匍匐行
水中泥淖及腰脅新苗抽利劍割膚何痛楚夫耘婦當
饑奔走及亭午無時暫休息不得避炎暑誰憐萬民食
粒粒非易取願陳知稼穡無逸傳自古七月云大火既
西流涼風日淒厲古人重稼穡力田在匪懈郊行省農
事禾黍何旆旆碾以他山石玉粒使人愛大祀須染盛
一一稽古制是為五穀長異彼稊與稗炊之香且美可
用享上帝豈惟足食人一飽有所待八月云白露下百
草莖葉日紛委是時禾黍登充積徧都鄙在郊既千庾
入邑復萬軌八言田家樂此樂誰可比租賦以輸官所

餘足儲峙不然風雪至凍餒及妻子優游郊簷下庶可
以卒歲太平元有象治世乃如此九月云大家饒米麵
何啻百室盈縱復人力多春磨常不停激水轉大輪磴
碾亦易成古人有機智用之可厚生朝出連百車莫入
還滿庭勾稽數多寡必假布算精小人好爭利晝夜心
營營君子貴知足知足萬慮輕十月云孟冬農事畢穀
粟既已藏彌望四野空藁結亦在場朝廷政方理庶事
和陰陽所以頻歲登不憂旱與蝗置酒燕鄉里尊老列
上行肴羞不厭多魚羔復烹羊縱飲窮日夕為樂殊未
央禱天祝聖人萬年長壽昌十一月云農家值豐年樂

事日熙熙黑黍可釀酒在宰羊豕肥東鄰有一女西隣
有一兒兒年十五六女大亦可筭財禮不求備多少取
隨宜冬前與冬後婚嫁利此時但願子孫多門戶可扶
持女當力蠶桑男當力耘耔十二月云一日不力作一
日食不足慘淡歲云暮風雪入破屋老農氣力衰僂僕
腰背曲索綯民事急晝夜互相續飯牛欲牛肥茭藁亦
預蓄蹇驢雖劣弱挽車致百斛農家極勞苦歲豈恒稔
熟能知稼穡艱天下自蒙福明高青邱看刈禾云農工
亦云勞此日始告成往獲安可後相催及秋晴父子俱
在田札札鑣有聲黃雲漸收盡曠望空郊平白入負擔

歸謳歌道中行鳥雀亦羣喜下啄且飛鳴今年幸稍豐
私廩各已盈如何有貧婦拾穗猶惇惇莊孔暘杲端午
食賜粽云蓬萊宮中懸艾虎舟滿龍池競簫鼓千官曉
綴紫宸班拜向彤墀賀重午大官角黍菰蒲香綵繩萬
縷雲霞光天恩敕賜下丹陛瓊筵侑以黃金觴東南米
價高如玉江淮餓莩千家哭官河戍卒十萬艘總向天
厨挽飛粟君門大嚼心豈安誰能持此回彫殘小臣自
愧悠悠者無術救時真素餐顧清穫稻云負郭園池帶
宅田老晴天氣太平年穫來禾稻叢高廩散出牛羊滿
近川饋戾甑山騰霧靄蟻香醅甕起淪漣斜陽一枕西

牕夢縱有丹青不與傳石沈觀稻云稻水千區映邨煙
幾處斜冷風低起樹輕浪細浮花鳥雀深深圃鳧鷖淺
淺沙社歌聲不絕於此見年華近時陳元孝新苗云高
田易為瘠下田易為肥高田苗欲密下田苗欲稀春陽
二三月陰雨來霏霏無論高與下青青同一時踈如鴈
行列密若羊毛披清風颯然至蕩漾生漣漪廻旋合萬
舞荏弱不自持遙遙極天碧望望深入懷先王制四民
士首農次之非時尚不役矧乃鞭與笞一夫不播種世
有受其饑須知元元命繫此青青絲賤子為老農敢以
告有司劉鏡庵翼明刈稻云宿息復何言志不在衣食

憔悴十年來漸喜親耕織慷慨多欺人中懷常自匿一
心冰炭攻所向為已極修名故無分冉冉老相逼六月
如凍蠅常帶飢寒色富兒門自深肥馬塵未識腥羶辭
腸味寡交翻有得過去自埽除桑麻無荆棘安命天或
憐息心敢愛力王抱山秧稻云行行多稻塍陂塘斷仍
續栽插詎違時秧針已含綠時雨不須求丹河灌溉足
農謠頗堪聽何必梁州曲曹天祺垂爍插秧歌云桔槔
未動商羊舞老農出社迎貓虎薰風靈雨及時來秧水
齊添土膏腴針苗剪剪綠初齊如罽行行立畛畦隴畔
柳濃斜挂笠農歌聲裏鶉鳩嘯自辰至午不停手厨下

炊羹並藜韭老翁提盃餉田間甕中更有新篘酒日晚
水田聚糾笠移時火耨農功急寄語食租衣稅家莫忘
辛苦盤中粒張敦復英擬古田家云柴門擁溪水溪響
無晨昏農夫荷鋤倦獨倚秋樹根顧我田疇好念我桑
麻繁脉脉不能語感茲風雨息風雨兩歲時熟古俗今猶
存遙指烟生處親戚滿前村稚子驅雞犬夜來忘閉門
何以疇清時努力從田園昔愛誦豳風亦嘗歌小雅桑
柘棲雞豚結廬在中野春蠶方扶犁秋禾倏盈把野老
樂時和高枕瓜棚下田家老瓦盆新醪月中瀉擊鼓賽
先農調瑟娛方社何必桃花源此境足蕭灑風塵久誤

人我豈悠悠者新晴土膏動原上春草生陂塘引澗壑
活活春水鳴桑陰悅好鳥布穀時一聲夜來飽飯牛朝
來從耦耕耦耕一畦畢澹泊心無營偶然召隣叟索取
壺觴傾高談視天壤把酒歡平生面無憂喜色胸無寵
辱情始知於陵子灌園逃公卿汪文升士鎔插秧圖云
車軋軋水活活田家田翁勤種田插秧田中量踈密呼
童課僕運秧馬俯首泥行股無骸今日車水滿明日祝
秧活不知何日秀且穎築場刈禾賦程秸大兒讀書如
養苗勿忘勿助不敢揠小兒讀書心孔開惟恐鹵莽與
滅裂主人有田復有兒書味酒香滿一室呼童留客和

田歌田家之樂樂如何錢脩亭題耕圖二十首浸種云
穀種含元氣粒粒資芸生陂池經浹晝如鍼芽始萌主
伯扶杖督鄭重農事興 皇仁感仁卉祝茲萬寶成耕

云雨施土膏潤策犢亭初耕冰澌水尚寒滑澁農足頽
課勤自茲始能勿越陌行及時同舉趾繪傳萬國情耜
云破塊雨不驟濕絮柳知寒朝來事耜耨隴畔流微瀾
農忘蓑笠重牛忘腰背酸 九重親見之陳圖思其艱
耖云重耕耨漸易扶耖牛搖尾風和自覺暄泥香不嫌
滓活潑似泉流蓬勃如脈起晚聽鳩婦呼蒼茫隔煙水
碌碡云農器巧力兼樞轉由上匠齒齧入如刀土起走

如浪負重策爾牛軌行歸拍掌南北制雖異人牛互為
相布秧云穀以潤而發生意宿舍肥攜筐各耦布隨手
無停揮計日達青翠迎風漾漣漪莫輕一撮功自可按
候期淤澹云土化各有宜汜勝乃鼻祖殺草如已疾漬
種同哺乳時節際常雩祈求應甘雨可以美土疆明神
其我許拔秧云平田水漠漠半涯秧針齊晨興隨手拔
束縛連筐攜嫩葉紛惹蒨寸根擢污泥明當亭種藝各
認塍東西種秧云庶纖昨夜雨隴畔生微涼一插一回
步步步讓新秧密攢靴十指勻繡分千行覩茲力穡勤
一飽其無忘一耘云穉苗漸改觀非種亦易新偃僂俯

濁水戒勿傷禾根揚稞列罽布庠水走穀紋試看南畝
畔腰環來初耘二耘云饑彼擔在肩糾然笠在首由來
淨盡難試視此苗莠辛苦再耘人慰勞有餉婦卓午憇
槐陰菽酒半長幼三耘云害苗務盡去固本還勤耔不
惜筋力疲滿望黍稷藟襪沾塗泥薄暮浴溪水老農
語殷勤厥事實爾委灌溉云高田龜坼兆赤日照村莊
溝車展龍骨水勢翻陂塘遙聞綠楊裏鴉軋午陰涼要
將力作苦誠彼游冶郎收刈云農功皆在田厥事有始
卒浸種到今茲攜鑪喜腰折忙欲捲黃雲未暇理短褐
村村秔稻香負擔踏霜月登塲云築塲小春候禾穀納

又優仰望積京坻副願慰田疇捆負有齊力風日趨高
秋如雲復如櫛比屋黃雲浮持穗云既好使之堅既堅
更使脫築場鏡面平處處勅聲發不記胼胝勞但聞笑
語聒滯穗寡婦利作飯炊楮杵簸揚云農具亦多術簸
揚臨風前飄飄如雨下顆顆苞珠圓糠粃比稂莠去之
道貴專狼戾無過取餘蓄寶康年龔云壁合轉樞機長
腰脫石齒連村殷雷鳴負任忙婦子量粟箱中贏積薪
檐外峙去膚以存真為學其視此舂碓云制仿自太古
遺利垂奕葉村深舂相沉灘急碓聲荅精鑿玉匙流白
皙大官滑敦勸鼓腹人慎勿忘千踏麓云米別精與粗

器殊麓與簸試看粒相似旋轉幾經過作炊婦子歡得
食烏雀賀明朝春事藏麓應墻角卧入倉云 興朝富
藏民寬政均倉庾由来重慎收露積歸廬廡農隙比戶
閒暄負南榮午早晚輸公廩何勞長官怒黃石牧之雋
水碓云轉輪在水稻在屋糠粃如塵米如玉誰其為之
機與軸坎臼在地杵在水橫貫輪心輪運瀑以溪之水
代人足列杵五六杵齒齒一杵入臼一杵起圓輪迫杵
水迫輪急急晨昏舂不止溪女鬢插山花紅列坐臼旁
如課功從容揜袖簸揚畢勞逸不與我鄉同我來如聽
一部之水樂輪音為商杵為角趙雲崧秧針云誰散鋤

鋒似嫩蕪纖柔不比劍裁蒲引他梅雨絲絲縷縷出幽
風幅幅圖翠刻出波真刺水綠芒承露亦穿珠笑看野
老如槌拍自詫拈鍼賽小姑金醉墨香粳云重思稻風
尚艷都五里香尤江表殊飽送真如填壑也軟炊豈不
滑匙乎抄來白粲麋牙好識得紅鮮玉屑娛家喜嘗新
杭正熟莫教狼戾滿倉珠陳寶所粉餅云餽鑪不托記
殊名搓粉偏宜秫與杭未恐桓元書帙浣早推束哲賦
情生紅綾故事應須續半臂輕寒那忍更多謝隔船分
餉我還充晚食笑饑僮宋曹文龍點絳唇詞云霜落吳
江萬畦香稻來場圃夜村春處茅屋寒燈雨玉粒長腰

沉水溫溫注相留住共抄雲子更聽歌聲駐近時蔣心
餘題春疇圖大酺詞云有田不歸如江水東坡亦可憐
者邨邨唬布穀正留犁風起僧衣全晝兩片如煙鞭聲
若鼓淺濑輕浮秧馬踏芳塍宛轉似丈人荷篠樊遲學
稼把齊民要術幽風雜咏共老農話秋成看穉穉脫青
簑沉飲瓜棚下更打疊稚子候門山妻釀酒騎牛小結
雞豚社約投閒他日共築箇溪南茅舍將桑柘從新寫
歸田錄罷頽然美睡簾罅聽他香稻輕打

黍一名秬一名秠爾雅秬黑黍秠一稔二米黍暑也待暑
而生暑後乃成說文黍可為酒秬鬯一白是也白禮黍

曰薊合黍火穀氣之主也有黃白黎三色米皆黃比粟
微大壯人呼為黃米如牛黍燕頷馬革驢皮稻尾大黑
黍秀成赤秀皆黍之異名也廣志有濕屯黃黍田黍塢
云鶩鷓之名齊民要術有半夏黍晉東廣微補華黍云
黓黓重雲習習和風黍華陵巔麥秀邱中靡田不播九
穀斯豐奕奕元霄濛濛甘雷黍發稠華亦挺其秀靡田
不殖九穀斯茂無高不播無下不殖芒芒其稼參參其
穡穡我王委充我民食玉燭陽明顯猷翼翼唐李青蓮
句云東臯春事起種黍早歸田杜少陵句云耕田秋雨
足禾黍已映道又句云賴知禾黍收已覺糟牀注曹鄴

句云黑黍春來釀酒飲青禾刈了驅牛載宋陸放翁句
云種黍踏麴蘖又句云黍酒新成壓小槽金趙元句云
還思釀新黍甕面挹秋江近時錢大經角黍云良辰分
玉糝嘉味入金盤宛轉纏菰葉晶瑩鬪粉團傳來三楚
俗賜下五雲端圭角無嫌露觥稜喜未刈不知搏黍得
錯作採菱看益智何勞寄含香正可餐雀風催艾綠龍
兩破榴丹 化宇含飴徧蒲觴好共歡趙大經角黍云
巧智因重午嘉名益食單味原殊粒粒形不類牢丸青
箬頻纏束黃梁足控搏開鎗菱刺水解籜玉堆盤脂液
麩偏滑觥稜臆欲刈何須誇益智且復勸加餐蒲葉觴

同醉榴花影共看湘纍成往事漫憶楚雲端

稷一名稌同聲實一字也一名粢關西謂之糜冀北謂之
緊曲禮稷曰明粢苗似蘆莖高三四尺有毛結子成枝
而踈散粒如粟而光滑色紅黃米似粟而稍大色黃稷
與黍一類二種黏者為黍不黏者為稷稷可作飯黍可
釀酒廣志稌有赤白黑青黃鶩鴿凡五種博雅黍穰謂
之稊稷穰謂之稊周禮羊宜黍豕宜稷米之神為稷故
以癸未日祠稷于西南水勝火為金相也稷屬土得陰
陽中和之氣而用尤多故為長月令謂之首種種畝在
前也近時胡瓶菴糜子飯云地宜稌粟遍邱阿稔歲休

嫵細粒多一筋也誇雲子白清芬不減玉山禾

蜀黍一名蜀秫種自蜀來故名其黏者近秫故借名秫一
名蘆稔一名蘆粟一名高粱一名木稷一名荻梁種宜
卑下莖麤高丈餘狀似蘆荻而內實葉似蘆穗大如帚
粒大如椒紅黑色性堅實可釀酒可作餌可作糕煮粥
近時謝方山蜀秫米飯云浮椀真如琥珀光豐年人每
號粗糧相如渴後曾逢否方朔飢時那易嘗真味惟堪
同紫萁補中詎止勝黃粱大官精膳無由見一飽何妨
此下腸先伯祖蓮坡公高粱杖云九節農家製呈材與
衆殊心虛雖遜竹質脆不同蒲曾佐厨中供還勞巖畔

扶翻嫌金策重登頓可忘劬

玉蜀黍一名玉高粱一名戎菽一名御麥出西番舊名番
麥又作玉米或稱玉麥或稱玉蜀秫幹葉類蜀黍而肥
矮六七月開花成穗如秕麥狀苗心別出一苞如梭魚
形苞折子出顆顆攢簇粒如芡實大而瑩白花開于頂
實結于節

粟古作臬象穗在禾上說文粟之為言續也續于穀也梁
屬穗大而毛長粒麤為梁穗小而毛短粒細為粟北方
直謂之穀脫殼則謂之小米一名私粟古以粟為五穀
總稱今之粟在古但呼為梁大抵黏者為秫即梁也不

黏者為粟北人日用不可缺者一穗之實可至三千有
八月黃趕麥黃百日糧六十日還倉老軍頭雁頭青寒
露粟鐵鞭頭梁穀滑穀白穀白穀黃米黃穀白米等名
廣志有赤粟白莖黑格雀粟張公斑含黃蒼背稷雪白
粟亦名白粟白藍下竹頭青白途麥擢石精狗踏之名
齊民要術分其種類共有九十四種等目瑞粟則有五
六穗九穗背明國有搖枝粟鳳冠粟員嶠山有不周之
粟唐李太白句云雖有數斗玉不如一盤粟宋朱子種
粟云阿香一笑走豐隆雨遍平疇萬頃中舊喜樊遲知
學圃今看許子快論巧遙憐鬱鬱翻秋隴預想垂垂弄

晚風珍重詩翁且強健東阡南陌興無窮

梁良也即粟也與粟一類二種周禮九穀六穀有梁無粟

漢以後始以大而毛長者為梁細而毛短者為粟蘇恭

曰黃梁白梁青梁廣志有具梁解梁遼東赤梁曲禮梁

曰薌其周禮犬宜梁唐杜少陵詩云白露黃梁熟分張

素有期已應春得細頗覺寄來遲味豈同金菊香宜配

綠葵老人他日愛正想滑流匙

秫爾雅衆終音秫黏粟也一名糯秫一名糯粟一名黃糯即

粟米之黏者有赤黃白色皆可釀酒古今注謂為稻之

黏者圖經謂為黍之黏者說文謂為稷之黏者皆誤廣

志有胡秫齊民要術有黃梁穀秫桑根秫櫛天培秫晉
陶淵明句云春秫作美酒酒熟吾自斟宋陸放翁句云
供秫借留客

嘉禾黍稷稻粱皆名為禾麻與菽麥則無禾稱凡嘉禾皆
統言之孝經援神契德下至地則嘉禾生春秋運斗樞
璇星明則嘉禾液春秋說題辭天文以七列星以五故
嘉禾之滋莖長五尺五七三十五神盛故連莖三十五
穗以成盛德禾之極也魏曹子建謳云於穆聖皇仁暢
惠渥辭獻減膳以服鰥獨和氣致祥時雨灑沃野草萌
芽變化嘉穀猗猗嘉禾惟穀之精其洪盈箱協穗殊莖

昔生周朝今禘魏廷獻之廟堂以昭祖靈宋沈演之頌
云煥炳禎圖昭晰瑞典運傾方闕時亨始顯綿狀既章
鳥文斯辯於皇聖辟承物紀遠明兩辰麗昌輝天衍理
妙位崇事神業盛淵渥德澤虛寂道政協化安心調樂
移性玉衡從體瑤光得正臣星垂采景雲立慶極仁所
被罔幽不攘至和所感靡况弗彰駕出丹穴鸚起西廂
白鹿踰海素鳥越江結響穹陰儀形鐘陽治人奉天迺
勤乃格黛耜倣載高廩已積嘉禾重穆甘露流液擢秀
辰畦揚穎角澤離穉合豪禁區蔭斤盈箱徵殷貫桑表
周今我大宋靈貺綢繆帝終撫謙繹思勿休躬薦宗廟

溫恭率由降福以誠孝享虔羞頒祉推功登徽獻詔恩
覃隱顯賞延荒徼河濶海夷山華嶽耀憬琛負賫鯁澤
委效日表地外改服請教茂對盛時綏萬屢豐厭厭歸
素秩秩大同上藏諸用下知所從仰式王度俯歌南風
鴻名稱首永保無窮唐趙蕃甸人獻嘉禾賦云聖上崇
國本致時康動元象之昭鑒產嘉禾而應祥甸人於是
具畚鍤修封疆啟芳穎於修畛薦靈姿於我皇懿夫挺
拔自分連拳相接始穰穰而齊實終矯矯而異葉殊其
本均二氣以發生同乎心表一德之和協不然者寧擢
秀於墳衍載具美于圖牒徵其瑞質稽彼大同見芬敷

而共貫信縈結以交通則知合乎帝道發自天功合穗
之珍方將效祉于今日異畝之美豈獨標奇于古風於
是野老歡心田夫盡力宛移根于沃壤之際俄發耀于
丹墀之側祥烟近拂乍疑連理之形喜氣傍臨更辨合
歡之色彌章執契之道載助惟馨之德爾其天鑒非遠
神珍是呈始苴亭而間出終天矯而曲成豈比躬稼之
時盡化晉君之草挺生之歲克符漢帝之名向令質委
離披孤生萃尊安得臨玉砌邇龍袞設種稔之萌芽為
理化之根本是知六府惟序萬邦式孚茅三脊而非偶
獸共觝而自殊未若耀青芳於近甸垂嘉貺於靈圖况

復聖慮彌深皇猷思永梯山航海未足契其休光菲食
卑宮將欲示其豐省斯所謂騰茂實于厚地故薦穗于
重穎孟簡嘉禾合穎云玉燭將成歲封人亦自歌八方
露聖澤異畝發嘉禾共秀芳何遠連莖瑞且多穎低甘
露滴影亂惠風過表稔由神化為祥識氣和因知興嗣
歲王道舊無頗無名氏嘉禾合穎云天祚皇王德神呈
瑞穀嘉感時苗自秀證道葉方華氣轉騰佳色雲披映
早霞薰風浮合穎湛露淨祥花六穗垂兼倒孤莖嬾復
斜應同唐叔獻稱慶比周家元表踈寮題嘉禾圖云土
膏滲陽春連畛垂黃雲仁聲九垓被地瑞昭人文穰穰

大同郡嘉穗表竒芬擢莖秀雙岐駢首誓不分稔連珠
琲光苞簇綵綬紋老農喜視之神化非耕耘維皇調玉
燭歲功合氤氳帝力畎畝深擊壤歌放勛圖成上金匱
寶軸森香芸侍臣丹筆工秉心述前聞願旅天子命補
亡追典墳

附錄 穆子一名龍爪粟一名鴨爪稗穆乃不黏之稱龍爪象
其形也北地荒坡種之葉似穀開細花穗如粟而分數
岐可煮粥炊飯磨麩蒸食

附錄 稊稗爾雅藜莠與稗一種二物也有米而細小有黃
白色紫黑色者北人呼為烏禾葉似穆根下葉蒂紫色

梢出扁穗結子如黍以其宜脾故曹植有芳菰精稗之稱雲南有雁爪稗元方回詩云農田插秧秧綠時稻中有稗農未知稻苗欲秀稗先出拔稗飼牛惟恐遲今年淞西田沒水却向淞東糴稗子一斗稗子價幾何已值去年三斗米天災使然膺勝真安得世間無稗人

附錄

稂爾雅稂童梁注莠類也今人謂之宿田翁或謂之守田禾秀之穗生而不成者謂之董節一名狼尾草可作黍食

附錄

茵草爾雅皇守田似燕麥子如雕胡米可食生廢田中一名守氣四月熟

錄附 蒯草爾雅翼蒯草子堪食如粳米

錄附 東廡色青黑粒如葵子似蓬草十一月熟出幽涼似稞

可作白酒

錄附 梁禾蔓生其子如葵子其米粉如白麩可作饘粥六月

種九月收牛食之肥如東廡者也

錄附 篩草一名自然穀一名禹餘糧言禹治水棄其餘糧化

而為此實如毬子八月收之海上民常食明方希直海

米行即此類詩云海邊有草名海米大非蓬蒿小非薺

婦女攜籃晝作羣采摘聊於海中洗歸來滌釜燒松枝

煮米為飯充朝饑莫辭苦澀咽不下性命聊假須臾時

錄附 感禾扶踈生似大麥

錄附 楊禾似藿粒細左折右炊停則牙生

錄附 火禾高丈餘子如小豆出粟特國以上三則見齊民要

術

錄附 木禾崑崙墟上有木禾長五尋大五圍見山海經穆天

子傳云天子東征至於重鰓氏黑水之阿爰有野麥爰

有荅董西膜之所謂木禾重鰓氏之所食

脂麻亦名油麻一名胡麻一名巨勝一名苴藤一名方莖

一名狗蟲一名藤宏一名交麻俗呼芝麻有黑白赤三

色秋開白花似牽牛亦有紫艷者節節生枝結角有四

稜六稜七稜八稜者取油以白為勝服食以黑為良可
以為飯元戴表元賦云六月亢旱百稼槁乾有物沃然
秀於中田是為胡麻外白中元嘻微心之良苦徵日御
而周旋朝舒翹以東向夕偃媚而西遷苦餞迎之有節
閱旦旦而不愆有一儒者睹而異之曰是物其有識可
比義於戎葵惟太陽之委照疇一物之得遺彼茫然以
自遂有得氣而不知獨輸勤於畎畝致展轉於遐輝迹
其華粲粲以淡成幹亭亭而直致陰回翔以蓋屬膏湛
渟而珠媚起本質之過清常凝溫而抱粹庸遇暎以不
傷表孤妍於衆悴且其芪本近仁嚮明近智蹈約而不

移近信在困而能恭近義故論胡麻者以為君子之道
四宜乎以爾登良醫之篋衍依飛仙之服餌也本草本
事詩云胡麻好種無人種合是歸時底不歸唐王右丞
句云御羹和石髓香飯進胡麻曹鸞臺句云白羊成隊
難收拾喫盡溪邊巨勝花宋梅聖俞句云傍枝延扶踈
修英繁索韜胡麻養氣血種以督兒曹放翁句云欲曬
胡麻愁屢雨近時杭堇浦詩云嘉種攜從海上槎莖方
房大孕仙芽霜脂碎碾香于蜜雲子同砂細似沙玉洞
流來偏有飯白羊喫盡不留花才人豈是無心詠讓與
蘇和作賦誇

附錄 青蘘一名夢神一名胡麻巨勝苗也一作葉服食家作

菜

附錄 亞麻一名鷓麻一名壁虱胡麻出兗州威勝軍苗葉皆

青花白陝西人亦種之實可榨油然燈

薏苡一名解蠡一名芑實一名藟米一名薏珠子一名西

番蜀秫一名回回米一名草珠兒處處有之交趾最大

出真定者佳春生苗莖高三四尺葉如黍開紅白花作

穗五六月結實青白色形如珠子可以釀酒唐王右丞

句云薏苡扶衰病歸來幸可將杜少陵句云稻梁求未

足薏苡謗何頻宋梅聖俞詩云媿無相如才偶病相如

渴濕水有丈人意。分叢茱為飲。可扶衰。餘生幸且活。
安知惡已者。不願變野葛。又句云。葉如華黍實如珠。移
種官庭特蔥蒨。但蠲病渴付相如。勿恤謗言歸馬援。司
馬溫公詩云。佳實產南州。流傳却山瘴。如何馬伏波。坐
取邱山謗。夫君道義白。復為神明相。厲氣與流言。安能
逞無狀。東坡詩云。伏波飯薏苡。禦瘴傳神良。能除五溪
毒。不救讒言傷。讒言風雨過。瘴癘久亦亡。兩俱不足治。
但愛草木長。草木各有宜。珍產駢南荒。絳囊懸荔枝。雪
粉剖枕榔。不謂蓬荜姿。中有藥與糧。春為芡珠圓。炊作
菰米香。子美拾橡栗。黃精誑空腸。今吾獨何者。玉粒昭

座光又句云只疑薏苡來交趾未信蠙珠出泗濱山谷
句云黃金滿地無人費一斛明珠薏苡秋放翁詩云初
遊唐安飯薏米炊成不減彫胡美大如芡實白如玉滑
欲流匙香滿屋腹腴頂齧不入盤况復殮酪誇甘酸東
歸思之未易得每以問人人不識嗚呼竒才從古棄草
菅君試求之籬落間明邵國賢詩云辟濕初聞薏苡仁
涯翁詩裏見來真東風吹送臺端貺活火山泉共作春

薑說文作蘆禦濕之菜苗高二三尺葉似箭竹葉而長兩兩相對苗青根嫩白老黃熟實三月種五月生苗秋社前後新芽長如列指采食無筋尖微紫名紫芽薑又名子薑史記千畦薑韭其人與千戶侯等酉陽雜俎山上有薑下有銅錫可醬可糟可蜜可醋唐李義山句云蜀薑供煮陸機蓴宋梅聖俞謝劉原父寄糟薑云名園萬家城千畦等封侯劇當燕去前醃芽費糟邱無筋偃王笑有味三閭羞寄入翰林席聖以不撤優又寄蓬門下作賦誰肯休惟我廣文舍免為壅鹽仇劉公漢家裔才學歆向儔胸中飽經史辨論出九州曾不奉權貴但與

故人投贈辛非贈甘此意當自求劉屏山子薑云新芽
肌理細映日瑩如空恰似勻妝指柔尖帶淺紅朱子子
薑云薑云能損心此謗誰與雪請論去穢功神明看朝
徹近時王漁洋蜀薑云乍食西川諸葛尊重誇楊樸紫
芽辛柳家新樣君從擅多少薑芽斂手人又詩云蜀味
初嘗萬里餘子薑作鱸憶鮪魚相思若遇東吳使為報
張溫欲附書金醉墨醋薑云辣生到老本天資椒桂蟬
聯那可移此色指分新茁長紅尖手斂嫩芽滋煮尊何
以煎茶別從草還兼曲直施若使辛甘同作贈蔗漿合
更見深思朱竹垞惜紅衣詞云插架葵邊分畦蔗後日

光穿漏看倚鴉鉏冰泉淺沙溜香苗暗副正社燕飛來
時候湖口紅掌白芽愛蓮船來又厨娘織手輕擘柔尖
聽鴨小茶臼蓴絲翠冷鹽豉配能否一樣蟹胥魚鱸味
勝蜜橙霜韭問凍糟酣未思勸故人新酒

椒 一名花椒 一名大椒 一名檄 出秦地者名秦椒 稟五行

之精葉青皮紅花黃膜白子黑氣香易蕃衍四月開花
五月結子生青熟紅閉口者殺人唐風椒聊之實春秋
運斗樞璇星散為薑玉衡星散為椒椒塗室取其溫暖
漢官儀皇后稱椒房晉劉臻妻元日獻椒花頌云美哉
靈葩爰采爰獻聖容映之永壽於萬郭景純贊云椒之

灌植實繁有倫薰林烈薄醇其芬辛服之不已洞見通
神唐王右丞椒園云桂尊迎帝子杜若贈佳人椒漿奠
瑶席欲下雲中君裴迪椒園云丹刺罽人衣芳香留過
客幸堪調鼎用願君垂採摘明僧宗林詩云欣欣笑口
向西風噴出元珠顆顆同采處倒含秋露白曬時嬌映
夕陽紅調漿美著騷經上塗壁香凝漢殿中鼎餗也應
加此味莫教薑桂獨成功近時王仲受士禧山中椒云
幽柯抱清烈獨生山谷裏薑桂性孰存惟應我與爾

附錄

川椒一名巴椒一名蜀椒一名南椒一名蔞藪一名點
椒一名含丸使者無花四月結子生于枝間子光黑如

瞳故曰椒目近時金永昌椒目云靈葩密綴散新紅笑
向秋風一世空憐我獨多存熱性看他人總辟寒功盈
堂香出天仙眼暖室光凝木叔瞳漫道元珠同顆顆隴
中竹葉最爲工伊周侯椒珠云盈升貽自遠小瓣貫珠
佳搗可從纖手芬真洽素懷味如交桂似數與暮鐘偕
竅憶春衣候飛香徧九街又有崖椒一名野椒不甚香
子灰色又有蔓椒一名金椒一名豬椒一名豕椒一名
羸椒一名豨椒一名狗椒野生林箐枝軟如蔓子葉皆
似又有地椒出上黨其苗覆地莖葉甚細花小色紫元
許道孚地椒云凍雨催花紫輕風散野香刺沙尖葉細

敷地亂條長蔓客收成裹奚童擷滿筐行厨供草具調
鼎爾非良又有胡椒一名昧履支向陰生者名澄茄向
陽生者名胡椒生西戎摩伽拖國今南番諸國滇南交
趾皆有之苗蔓莖柔葉長寸半結子兩兩相對晨開幕
合形似漢椒至芳辣六月採今作胡盤肉皆用之能病
目即元載家歲胡椒八百石也又有番椒叢生白花似
秃筆頭色紅可觀

茴香一名懷香一名八月珠宿根冬生苗作叢肥莖綠葉
五六月開花如蛇牀而色黃子如麥有細稜俗呼為大
茴香以寧夏為第一他處名小茴香夏月可祛蠅又有

八角茴香自番舶來者實大如柏裂成八瓣俗呼舶茴
香又有蒔蘿一名慈謀勒一名小茴香初生佛誓國今
嶺南近道皆有之三四月生苗開花其子簇生芳辛不
及茴香

韭說文一種而久者謂之韭象形在一之上地也曲禮
云豐本一名起陽草一名草鍾乳一名嬾人菜以其不
須歲種也生山中者名藿莖名韭白根名韭黃花名韭
菁業生長葉青翠八月開小白花可醃作茹又有山韭
一名籤南齊庾杲之貧食惟韭菹藹韭生韭或戲之曰
誰謂庾郎貧食鮭常有二十七種言三九也梁元帝賦

向云金鹽玉豉堯韭舜榮宋東坡句云漸覺東風料峭
寒青蒿黃韭試春盤張文潛句云荒園秋露瘦韭葉色
茂春菘甘勝蕨人言佛見為下筯芼炙烹羹更滋滑劉
屏山詩云肉食嘲三九終憐氣韻清一畦春雨足翠髮
剪還生方秋崖詩云下秧已覺齒生津坐想堆盤夜雨
春政恐厨人無變饌庾郎貧不似吾貧又句云却喜庾
郎貧到骨韭畦時一摘煙苗元許道孚韭花云西風吹
野韭花發滿沙陀氣較葷蔬媚功於肉食多濃香誇薑
桂餘味及瓜茄我欲收其實歸山種澗阿明高青邱詩
云芽抽冒餘濕掩冉煙中縷幾夜故人来尋畦剪春雨

近時王漁洋棣州韭黃云吳客春來三熟稻雍州寄到
一奩酥冰厨更芼黃芽韭千里蓴羹得似無汪茗文食
韭云長安早韭鶩黃色雪花飛特冒土出菜市街頭初
上市每有豪門厚酬直河干半月春風吹韭葉尺許何
離離貴人吐弃不下咽老夫甘之如蜜飴午餘浙黍炊
香飯配以韭羹寧待勸蓴絲箭茁未足方欣然舉煮空
盤案偶謝微官還故鄉但得一飽百事忘茹蔬噉糲不
須擇底用流涎思萬羊扈秀巖嶠早韭云韭芽茁出菜
畦新似柳輕黃綠未勻冒雨剪來才徑寸開冰薦處正
初春十千每笑何郎侈三九誰云庾子貧識得家山風

味好村厨何必饌非珍趙谷林謝客餉韭云有客餉老
韭素紙勞封函云產自汾晉遠攜迅馳颿何來此嘉蔬
對之口涎饒登盤烟苗肥黃芽珍粟瑊薑韮雜葱齏臭
味同酸醎藝之知可久刈後還復芟宗生與族茂特異
衆草凡鍾乳性陽溫豐本經鑄剗庾郎殊不貧食鮭語
詰謫郭公雅風味幽畦翦霏雪懷哉春初時行圃腰鎌
鑿

錄附

孝文韭生塞北山谷狀如韭魏孝文帝所種又有諸葛
韭孔明所種韭更長亦山韭又有水韭生於池塘中有
二三尺者五六月堪食不葷而脆字林云簋水中野韭

也或曰即龍爪韭

葱一名芘草中有孔故字從之一名菜伯一名和事草一名鹿胎初生曰葱鍼葉曰葱青衣曰葱袍莖曰葱白葉中泐曰葱苒有數種一種凍葱即冬葱人稱慈葱又稱大官葱宜上供也莖葉氣味俱軟美宜入藥一種漢葱一名木葱春末開花青白色冬枯一種胡葱生蜀郡山谷狀如蒜味似薤一名蒜葱一名回回葱一名茗葱一名山葱生沙地者名沙葱一種樓葱冬葱類江南人呼為龍角葱龍爪葱羊角葱每莖上葉出岐如八角故名皆可食又有水葱生水中又名翠管可為席酉陽雜俎

山上有葱下有銀宋章惇句云井丹已厭嘗葱葉庾亮
何勞惜薤根東坡句云總角黎家三小童口吹葱葉送
迎翁陳無已句云已辦煮餅澆油葱放翁詩云瓦盆麥
飯伴鄰翁黃菌青蔬放筯空一事尚非貧賤分芼羹借
用大官葱

蒜一名葫以來自蕃中又稱胡蒜一名大蒜一名葷菜葉
如蘭莖如葱根如水仙張騫使西域始得大蒜初止有
小蒜一名茆蒜一名薤一名萬一名澤蒜又名山蒜石
蒜范石湖戲題云旅食諳殊俗堆盤駭異聞南餐灰薦
蠅巴饌菜先葷幸脫萋藤醉還遭胡蒜熏絲蓴香味好

歸夢水連雲明馮琢菴白云再別誰明王群言竟破葫

附水晶葱葉似葱而實蒜不臭宜鬆土宜薑醋浸

薤一名藟子一名菝子一名火葱一名菜芝一名鴻薈一

名守宅一名家芝本文作薤韭類葉中空似細葱有稜
氣如葱體光華露難貯古人所以歌薤露也八月栽根
二月開細花紫白色根如小蒜又有山薤根差長葉差
大性與家薤同又有野薤俗名天薤生麥原中葉小亦
可食酉陽雜俎仙藥有八天赤薤又曰山上有薤下有
金務光作薤葉篆唐杜工部詩云隱者柴門內畦蔬繞
舍秋盈筐承露薤不待致書求束比青藜色圓齋玉筋

頭衰年關禹冷味暖并無憂姚秘書句云種薤栽莎屬
古坡宋蘇東坡句云細思種薤五十本大勝取禾三百
廬又云拔薤已觀賢守政折蔬聊慰故人心誠齋句云
薤本新痕割復齊

蘼說文作葍一名香葍一名胡葍一作胡臬一名胡菜
莖青而柔葉細而有花岐夏開細花如芹淡紫色五月
收子如大麻子明屠本峻野菜箋云相彼莞葍化胡攜
來臭如葍草脆比菘臺肉食者喜藿食者諧惟吾佛子
致謹於齋或言西域興渠別有種使我罷食而疑猜

菠菜一名菠薐一名波斯草一名赤根菜一名鸚鵡菜出

西域頗陵國今訛為菠薐莖柔脆中空葉綠根長數寸
四月起臺尺許開碎白花有雌雄東坡句云北方苦寒
今未已雪底菠薐如鐵甲豈知吾蜀富冬蔬霜葉露芽
寒更茁劉屏山詩云金簇因形製臨畦發永嘆時危思
擷佩楚客莫紉蘭

莧凡五種赤莧爾雅云蕒是也一名花莧白莧人莧紫莧
五色莧皆三月種葉如藍高大易見故名莧開細花成
穗王半山句云紫莧凌風怯万秋嵯峩莧云琉璃蒸乳
壓狔膏未抵齋厨格調高脫粟飯香供野莧荷鋤人飽
撚霜毛斷無文伯可相累比似何曾母太豪見說能醫

射工毒人間此物正騷騷

錄附

馬齒莧一名馬莧一名五行草以其葉青梗赤花黃根
白子黑也一名五方草一名長命菜一名九頭獅子一
名馬齒龍牙六七月開細花有二種葉大者名狔耳草
不堪食小葉者又名鼠齒莧杜少陵句云又如馬齒盛
氣擁葵葎昏又有水馬齒生水中與旱馬齒類可食
生菜一名白苣一名石苣青州謂之芭似蒿苣而葉色白
斷之有白汁四月開黃花諺云生菜不離園宜生食故
名色紫者名紫苣杜少陵句云脆添生菜美陰益食單
涼

苦菜一名苦苣一名苦蕒一名編苣一名游冬因凌冬不

凋也一名天香菜一名茶草一名遜即爾雅茶苦菜郭

璞以為韞黃蔕春初生苗有長白莖二種葉似花蘿蔔

菜似鸛嘴斷之有白汁春夏開花黃如野菊邨風誰謂

荼苦唐風采苦采苦月令孟夏之月苦菜秀內則濡豚

包苦實蓼孔穎達以為即夏小正王芣秀者誤少陵句

云苦苣刺如針明黃正色詩云但得菜根俱可啖況于

苦蕒亦竒逢初嘗不解回甘味慣醉方知醒酒功茹素

無緣葷未斷禪宗有約障難空北牕入夏稀盤餽莫訝

頻頻餉阿儂盤餐落落對瓜畦杜撰人間苦蕒薤嫩綠

浮羹純讓滑微酸入口舌應迷野人生計誰云薄藿食
家風未是低為報青蠅莫相點欲隨芹曝獻金閨

蒸菜一名蒼蓬菜苗高三四尺莖若蒴藿有細稜夏潤冬
枯葉青白色似白菘葉而短莖亦相類

蕪菜與壅同此菜惟以壅成故名幹柔如蔓中空葉似菠
菱開白花其菜汁可以解葛毒

薺菜本出塞外一名寒菜一名胡菜一名薺菜一名薺
芥一名油菜單莖圓肥淡青色形如白菜花如蘿蔔結
角石湖詩云桑下春蔬綠滿畦菘心青嫩芥薺肥溪頭
選擇店頭賣日暮裹鹽沽酒歸誠齋句云薺菘正自有

風味盈盤底用專腴豐

蔞菜一名蔞菜一名竦米菜生南方叢生二三寸柔梗細

葉三月開細花黃色結黃角朱子詩云靈草生何許風
泉古澗旁褰裳勤采擷枝筋噴芳香冷入元根閱春歸
翠穎長遙知拈起處全體露真常又詩云小草有真性
托根寒澗幽懦夫曾一嚼感憤不能休誠齋詩云學琴
自有譜相鶴自有經疏經我繙盡不見蔞菜名金華詩
札初相識玉友尊前每相憶坐令芥蕪姜子牙一見風
流俱避席取士取名多失真向來許靖亦誤人君不見
鄭花不得半山句却參魯直稱門生又詩云藜藿文辭

卷三
早
粢受辛子牙為祖芥為孫勸君莫謁獨醒客只謁高陽社裏人

巢菜葉似槐而小子如小豆出四川吳中有之名漂搖草

一名野蠶豆東坡謂之元修菜詩云彼美君家菜鋪田

綠茸茸豆莢圓且小槐芽細而豐種之秋兩餘擢秀繁

霜中欲花而未萼一一如青蟲是時青裙女采擷何匆

匆烝之復湘之香色蔚其饒點酒下鹽豉縷橙芼薑蔥

那知雞與豚但恐放筋空春盡苗葉老耕翻煙雨業潤

隨甘澤化暖作青泥融始終不我負力與糞壤同我老

忘家舍楚音變兒童此物獨嫵媚終年繫余胸君歸致

其子囊盛勿函封張騫移首藉適用如葵菘馬援載薏
苡羅生等蒿蓬懸知東坡下塔鹵化千鍾長使齊安民
拍此說兩翁放翁詩云昏昏霧雨暗衡茅兒女隨宜治
酒穀便覺此身如在蜀一盤籠餅是豌豆又詩云冷落
無人佐客庖庾郎三九困飢嘲此行忽似墓津路自候
風爐煮小巢

薇字說云微賤所食故名一名野豌豆一名大巢菜小者
即元修菜也生于水濱似藿葉似萍召南言采其薇唐
杜少陵句云繫書無浪語愁絕故山薇白樂天詩云朝
采山上薇暮采山上薇歲宴薇亦盡飢來何所為坐飲

白石水手把青松枝擊節獨長歌其聲清且悲樵馬非
不肥所苦長繫維豢豕非不飽所憂竟為犧行行歌此
曲以慰常苦饑李頻句云家住東臯下好採舊山薇
馮琢菴句云圖南吾豈敢願托北山薇

蕨一名鼈廣雅云紫萁非狀如大雀拳足又如足之蹙初

生類鼈脚故曰鼈二月中高八九寸老有葉淪為茹滑

美如葵葉似青蒿長麓堅長不可食用唐李太白句云

昔在南陽城唯食獨山蕨少陵句云秋風吹几杖不厭

北山蕨樂天句云蕨芽已作小兒拳宋朱喬年詩云真

人官府未魚緣且向龍山作散仙春入燒痕催採蕨雨

翻泥隴憶歸田蔬腸我若枵蟬腹詩格君如擊鷲拳筋
下萬錢謀更鄙諸公飽煞大官羶朱子詩云西山採蕨
人蓬首尚傾國懷哉遠莫致引脰氣已塞頃筐忽墮前
此意豈易得良遇不可遲枯筇有餘力方秋岬詩云野
燒初肥紫玉圓枯松瀑布煮春煙偃王妙處原無骨鉤
弋生來已作拳早韭不甘同臭味秋萁雖滑帶腥涎食
經豈為兒曹設弱脚寒中恐未然近時張蕭亭采蕨歌
云春風才過蕨芽長瓦釜烹來帶露香獨對青山歌一
曲白雲縹緲樹蒼蒼張永夫錫祚采蕨云閑居窮篇翰
生理愧無術隔屋聽鳴雞啟扉看曙色逶迤板橋西俯

仰清溪側薄物世所遺采掇欣有得悠然盈頃筐延詠
忘朝食金醉墨蕨掌云久生葉底狀如拳采蕨詩人詠
已然抽傍龍孫憐觸破袖來稚子合同煎詎因雲捧暮
山紫便覺風攣嬰手娟約待溪翁新食飽蔬香老圃競
流傳又有迷蕨爾雅纂月爾即紫纂也三蒼謂之紫蕨
可食又有水蕨生水中呂氏春秋菜之美者有雲夢之
豈即此菜也

薺一名護生草本草云薺生濟濟故名有大小數種小薺
花葉莖扁味美最細者名沙薺大薺科葉皆大而味不
及莖硬有毛者名薺莫又名茂薺一名大戢一名馬辛

開細白花英小如萍子名差所謂歲欲豐甘草先生者
即此其莖為挑燈杖可辟蚊其類有江薺倒灌薺蒿柴
薺帶薺碎米薺等名宋陸放翁詩云舍東種早韭生
計似庾郎舍西種小果戲學蠶叢鄉惟薺天所賜青青
被陵岡珍美屏鹽酪耿今凌雪霜采擷無闕日烹飪有
祕方候火地爐暖加糝沙鉢香尚嫵雜筍蕨而况汗膏
梁炊杭及鬻麩得此生輝光吾饒實易足捫腹喜欲狂
一埽萬錢食終老稽山旁又詩云薺糝芳甘妙絕倫掇
來恍若在峨岷蓴羹下豉知難敵牛乳拌酥亦未珍異
味頗思修淨供祕方當惜授厨人午牕自撫膨脝腹好

住煙村莫厭貧又詩云小煮鹽醃和滋味微加薑桂助
精神風爐歛鉢窮家活妙訣何曾冒授人日日思歸飽
蕨薇春來薺美忽忘歸傳誇爭欲嫌茶苦自笑何時得
瓠肥采采珍蔬不待畦中原正味壓蓴絲挑根擇葉無
虛日直到開花如雪時劉後村句云薺花滿地無人見
惟有山蜂度短牆徐竹隱詩云萋萋墻根薺采掇盈一
簷破白半浮糝殺青微下鹽長貧嘆亦苦積悟覺尤甘
緬想拔葵老吾今已傷廉張功甫詩云薺花繁處蝶爭
飛忽憶前年二月時曲水流杯人共醉晚來踈雨又新
詩明陳眉公詩云十畝之郊菜葉薺花抱甕灌之樂哉

農家近時汪苕文詩云攜籃挑取雪中芽未著鹽醃味
已嘉說與諸僮都不信放教滿地發繁花晚薺青青含
甲喫蚤菘白白簇芽長江湖不少魚羹飯未抵山蔬出
釜香家初白詩云朝來食拍無端動走覓鄰園又一奇
薄雪乍消青冒土滿籃香薺未花時

藜一作藿一名菜一名紅心灰藿一名臘胎菜一名鶴頂
草一名落藜灰藿之紅心者莖葉嫩時可食羣芳譜以
為即地葵三葦皆悞小雅北山有菜即此莖老可為杖
唐杜少陵句云試問甘藜藿未肯羨輕肥昌黎句云藜
羹尚如此肉食安可嘗明李西涯詩云藜新尚可蒸藜

老亦堪煮明年幸強健拄杖看秋雨又有蔞藿似藜而
葉大爾雅云拜蔞藿又灰藿一名灰滌菜一名金鎖天
今訛為灰滌菜

蓴一作莼一名茆一名錦帶一名水葵一名露葵一名馬
蹄草一名缺盆草或云鮑躑草或名水戾一云浮菜生
南方水澤中水深則肥而葉少葉如荇差圓形如馬蹄
莖紫色大如筋柔滑可羹夏月開黃花結實青紫色大
如棠梨中有細子三四月嫩莖末葉細如釵股名稱蓴
又名雉尾蓴五月葉稍舒名絲蓴九月萌在泥中名塊
蓴或作葵蓴十月十一月名猪蓴又名龜蓴魯頌薄采

其苑唐杜少陵句云豉化蓴絲熟宋陸放翁句云石帆
山路頻回首箭茁蓴絲正滿盤又云秋來便有欣然處
新種蓴絲已滿塘楊誠齋詩云鮫人直下白龍潭割得
龍公滑碧髯曉起相傳藥珠闕夜來失却水晶簾一杯
淡煮宜醒酒千里何須下豉鹽可是士衡殺風景却將
羶膩比清纖方秋崖羹蓴云煙雨中間幾白鷗藕花菱
葉小亭幽紫蓴共煮香涎滑吐出新詩字字秋徐竹隱
蓴羹云堆盤縷縷又秋風客俎齏鹽一洗空羹繪宜居
舵樓底杯螯如墮酒船中蓴羹本是詩人事蓴俎那容
俗子同不日挽君來快問請分一箸供涪翁又詩云千

里萼絲未下鹽北遊誰復話江南可憐一筋秋風味錯
被旁人舌本參元謝宗可萼線云鮫人繡滿水仙裳地
軸天機不改藏冰穀冷纏青縷滑翠鈿清綴玉絲香江
湖有味牽情久京洛思歸引興長欲翦吳淞縫不得漫
拖秋思繞詩腸明鄒斯盛采萼云春暖冰芽茁秋深味
更清有花開水底是葉貼湖平野客分雲種山厨帶露
烹橘黃霜白後對酒奈何情風靜綠生烟煙中蕩小船
香絲縈手滑清供得秋鮮荇葉分圓缺鱸魚相後先誰
云是千里采采自今年楊庶題曹憲副採萼卷云三泖
秋霖浸四圍水邊那覺露葵稀金盤玉筋長安客幾箇

西風為汝歸徐茂吳詩云波心未吐心如結水葉初齊
葉尚含脂自疑膚柔繞指轉教風味憶江南鮫杼紛紛
散作絲龍涎宛宛滑流匙詩人采芡元從水莫悞嘉蔬
喚露葵平湖倒影南山綠中漚三潭靈怪潛蕩槩忽驚
雲霧氣驪龍領下割龍髯誰握冰絲摘露叢水晶簾捲
玉璫瓏魚鬚細細龍油滑道是鮫人織錦宮兔絲自是
難勝織試比蓴絲總不任聞說西陵蘇小小當年戲采
結同心蓴絲不似藕絲輕傍腕纏綿入手縈漫咏東人
空杼軸西湖經緯自縱橫沈明臣西湖采蓴曲云西湖
蓴菜勝東吳三月春波綠滿湖新樣越羅裁窄袖著來

人說似羅敷施愚山采蓴篇云西湖三月蓴始生含花
卷葉浮綠莖質柔膚滑不留手白汁盈盈成水晶浸之
經宿逾肥美旋摘生新類蘼芷春山兩漲綠波深欲浮
不浮難出水故人招我放生池畫船紅笛吹參差神魚
撥刺動雷雨馮夷出沒搴旌旗酒闌却向湖亭泊緩帶
登樓氣盤礴急呼舟子擷蓴絲雪鱠金盤佐觴酌凝脂
膩澤難禁煮玉筍錦葵誰似汝滑翻碧盃匹冰漿清絕
香羹奴酪乳嚼腐餐肥良可憎五侯七貴知未曾怪來
此物繫歸思千載常懷張季鷹王漁洋采蓴曲云湘湖
雉尾蓴鄧支馬肝石采蓴作蓴羹底用作方伯不食上

湖苻但採下湖蓴綠流棹歌去西風愁殺人采蓴臨淺
流采蓮在深渚歡似蓴心滑那識蓮心苦蓴絲何纏綿
柔白勝玉臂特作千里羹朝朝下鹽豉朱竹垞詩云湖
水清無底蓴絲滑可憐相邀三五客采采莫迴船坐恐
葑田合生憎苻帶牽祇應櫻筍配羶膩豈容前陳寶所
詩云重湖新漲外四月翠莖齊客饌辭羊酪歸心逐馬
蹄及時畦菜美傍水葑田低一箸清饒甚何因笑更西
宋王天柱摸魚兒詞云怪鮫宮水晶簾捲冰痕初斷香
縷柔波蕩槩人難到三十六陂煙雨春又去畔點點荷
錢隱約吳中路相思日暮恨浴浦娉婷芳鈿翠翦奩影

照淒楚功名夢消得西風一度高人今在何許鱸香菰
冷斜陽裏多少天涯意緒誰記取但枯豉紅鹽溜玉麪
秋筇尊前起舞算惟有淵明黃花歲晚此興共千古又
云遇湘臯碧龍驚起冰涎猶護髯影春洲未有菱歌伴
獨占暮煙千頃呼短艇試翦取纖條玉溜青絲瑩樽前
細認似水面新荷波心半捲點點翠鈿淨淒涼味酪乳
那堪比並吳鹽一箸秋冷當時不為鱸魚去聊爾動渠
歸興還記省是幾度西風幾處吹愁醒鷗昏鷺暝謾換
得霜痕蕭蕭兩鬢羞與共秋鏡唐菊山摸魚兒詞云漸
滄浪凍痕銷盡瓊絲初漾明鏡鮫人夜剪龍涎滑織就

水晶簾冷鳧葉淨最好似嫩荷半捲浮晴影玉流翠凝
早枯豉融香紅鹽和雪醉齒嚼清瑩功名夢曾被秋風
喚醒故人應動高興悠然世味渾如水千里舊懷誰省
空對景奈回首姑蘓臺畔愁波暝煙寒夜靜但只有芳
洲蘋花與老何日泛歸艇王聖與聲聲慢云啼螿門靜
落葉堦深秋聲又入吾廬一枕新涼西牕晚雨踈踈舊
香舊色換却但滿川殘柳荒蒲茂陵遠任歲華冉冉老
盡相如昨夜西風初起想尊邊呼櫂橘後思書短景淒
然殘歌空叩銅壺當時送行共約雁歸時人賦歸歟雁
歸也問人歸如雁也無又云高寒戶牖虛白尊罍千山

畫入孤光玉影如空天葩暗落清香平生此興不淺記
當年獨據胡床怎知道是歲華換卻處處堪傷已是南
樓曲斷縱疎花淡月也只淒涼冷雨斜風何況獨掩西
窗天涯故人總老謾相思永夜相望斷夢遠趁秋聲一
片渡江又摸魚兒云玉簾寒翠痕微斷浮空清影零碎
碧芽也抱春洲怨雙捲小緘芳字還又似繫羅帶相思
幾點青鈿綴吳中舊事悵酪乳爭竒鱸魚漫好誰與共
秋醉江湖興昨夜西風又起年年輕悞歸計如今不怕
歸無準却怕故人千里何況是正落日垂虹恁賦登臨
意滄浪夢裏縱一舸重遊孤懷暗老餘恨渺煙水李彭

老摸魚兒云退垂虹四橋飛雨沙痕初漲春水腥波十里吳歛遠綠蔓半縈船尾連復碎愛滑卷青綃香裊冰絲細山人雋味笑杜老無情香羹碧澗空祇賦芹美歸期早誰似季鷹高致鱸魚相伴菰米紅塵如海邱園夢一葉又秋風起湖湘外看采擷芳條際曉隨魚市舊遊謾記但望裏江南秦鬟賀鏡渺渺隔烟翠近時陳其年摸魚兒云憶家鄉此時節物四圍榭葉攢錦沿湖小弄葦絲滑已覺水香微滲論食品應不數雞酥羊酪侯門瀋流涎那禁伴玉鱠鱸鯉雪花鹽豉微雨小橋飲長安道惆悵愁潘瘦沈誰炊凍酒初嘗粘匙黏盤知何限絕

牙方隱集 卷三 四九
憶吳娘烹飪渾未審笑洛下季鷹歸也還由恁思他則
甚拚一夜西風五湖船上倦覓綠蓑枕

芹古作蘄本草作蘄一名水英一名楚葵有水芹旱芹旱
芹有赤白二種二月生苗其葉對節而生莖有節稜而
空五月開細白花又馬芹爾雅謂之芡又名牛蘄一種
黃花者毛芹也有毒又紫芹一名蜀芹亦名楚葵一名
苔芹一名水荀菜唐杜少陵句云獻芹則小小薦藻明
區區又句云盤剝白鴉烏嘴芹宋朱子詩云晚食寧論
肉知君薄世榮瓊田何日種玉本一時生白鶴今休悞
青泥舊得名收單還炙背北關倘關情明高青邱詩云

飯煮憶青泥羹炊思碧澗無路獻君門對案增三嘆陳
眉公詩云春水漸寬青青者芹君且留此彈余素琴宋
高竹屋生查子詞云野香春吐芽泥濕隨飛燕碧澗一
杯羹夜照無人剪玉釵和露香鶯管隨香軟野意重殷
勤持以君王獻

紫菜生海水中色青附石上取乾之則紫黃山谷贊云蔡
蒙之下彼江一曲有茹生之可以為菽蛙蟻之衣采采
盈掬吉蠲沆澤不溷沙礫芼以辛鹹宜酒宜餼在吳則
紫在蜀則綠其臭味同遠故不錄誰其發之班我旨蓄
維女博士史君炎玉

龍鬚菜生於東南海邊石山狀如柳眼長者至尺餘白色
呼為麒麟菜

鹿角菜生東南海中大如鐵線分了如鹿角紫黃色一名
猴葵

真珠菜出戎瀘等州水中石上翠縷纖曼首貫珠以蜜熬
食之見益部方物畧記黃山志亦云產之宋景文贊云
植根水中端若串珠皿而淪之可以代蔬

雪裏蕪出四明雪深此菜獨青見野菜箋

首菊花一名木粟一名牧宿風在其間常蕭蕭然故名懷
風草日照其花有光彩故又名光風草茂陵人謂之連

枝草金光明經名為塞鼻力迦苗高尺餘細莖分叉而
生葉似豌豆頗小每三葉攢生一處梢間開紫花結彎
角角間有子黍米大本塞外菜也漢使取其實及蒲萄
實來始種之唐李太白句云天馬常銜苜蓿花薛令之
自悼云朝日上團團照見先生盤盤中何所有苜蓿長
闌干飯澀匙難綰羹稀筋易寬無以謀朝夕何由保歲
寒宋梅聖俞詩云苜蓿來西域蒲萄亦既隨蕃人初未
惜漢使始能持宛馬當求日離宮舊種時黃花今自發
撩亂牧牛陂王半山句云苜蓿闌干放晚花放翁句云
苜蓿堆盤莫笑貧

山藥原名薯蕷避唐代宗諱改名薯藥宋英宗諱曙改名
山藥一名山藷一名土藷一名玉延一名修脆一名藷
蕷一名山芋一名藷薯一名兒草春間生苗蔓延莖紫
葉青有三尖五六月開細花成穗淡紅色秋生實於葉
間熟落根下薄皮土黃色冬採根皮亦土黃色有毛肉
白可食宋王半山詩云區種拋來六七年春風條蔓想
宛延難追老圃萁苔徑空對珍盤玳瑁筵嘉種忽傳河
右壤靈苗更長闕西徧故畦穿劔知何日南望鍾山一
慨然黃山谷山藷湯云厨人清曉獻瓊糜正是相如酒
渴時能解饑寒勝湯餅略無風味笑蹲鴟打牕急雨知

然鼎亂眼睛雲看上匙已覺塵生雙井椀濁膠從此不
須持朱子詩云怪來朽壤耀瑤英小劔頃筐可代耕豢
豹于人儘無分蹲鴟從此不須生雪鏡但使身長健石
鼎何妨手自烹欲賦玉延無好語羞論蜂蜜與羊羹元
龔璠掘山藥歌云綠薜紫藤緗色子種玉綿延春透髓
晴虹歲曉寒不起托命長鏡山谷裏小隱牆東塹藥欄
劔土政得方槃槃服食相傳養生訣茂陵劉郎和露啜
明劉子高詩云誰種山中玉修圓故自勻野人尋得慣
帶雨劔來新味益丹田暖香凝石髓春商芝亦何事空
負白頭人宋張功甫南柯子詞云積雪迷松徑圍爐掩

竹簾牀頭一味有蹲鴟軟火深聞香熟已多時自得陶
朱法休教嬾瓚知浪傳黃獨正甘肥紫玉嬰兒盈尺更
新奇又云種玉能延命居山易學仙青青一畝自鉏煙
露孕雲蒸肌骨更疑堅熟染蜂房蜜清添石鼎泉雲香
酥膩老來便煨芋爐深却笑祖師禪

芋一名土芝一名蹲鴟一名菖廣雅渠芋也其葉謂之蕝

昨葉如荷不圓莖微紫南方大如斗謂之芋頭前漢謂

之芋魁後漢謂之芋渠嘉定名之博羅旁生小者謂之

芋妳有君子芋淡善芋百果芋雞子芋車轂芋鉅一作銀

子芋旁巨芋青泥邊芋長味芋九面芋青芋曹芋一作素芋

象芋一作象空芋蔓芋博士芋百子芋天芋雀芋赤鷓芋蠻

芋搏果芋等目宋韓魏公詩云隨竹縈回翠蔓延土諸
名異出前編會須霜晚餐珠寶可挹浮邱作地仙東坡
詩云香似龍涎仍醜白味如牛乳更全清莫將南海金
蘿膾輕比東坡綠糝羹放翁詩云陸生晝卧腹便便嘆
息何時食萬錢莫笑蹲鴟少風味賴渠撐住過凶年又
句云風爐歛鉢生涯在且試新寒芋糝羹朱子詩云沃
野無凶年王得蹲鴟力區種萬葉青深煨奉朝食元王
逢句云新霜芋長孫戴初句云山毛人摘芋紅多近時
家初白收芋云芋肥莖葉長芋瘦莖葉短率以鹵莽根

吾願良易滿年豐百物登磊落光堆盤其魁蹲如鷓小
亦伏穀卵杭莖浦詩云越中嘉種數蹲鷓荷子頃筐肯
見貽想見園收同錦里忽欣擔負到茅茨滑過牝產羊
酥膩白賽南京玉糝竒飽食向陽頻鼓腹野人風味最
相宜李味初題蠟芋圖云何須投筆說班超枯坐蕉龕
夜寂寥爐火半殘山芋熟滿天風雪鎮蕭蕭長康瀟灑
每書空癡絕人間感斷蓬我亦未來金粟否倩君添入
畫圖中金醉墨煨芋云岷山沃野素侯資種伴瓜疇復
踐移子母也相鉤帶長葉莖宛狀水芝滋薪傳炎燧煨
長足灰撥陰何火幾施一日懶殘分半夜十年宰輔寄

徵思陳其年河傳體第一詞云黃茅新蓋土銚温磨霜磨

低矮撩人幾陣芋香無賴送來籬落外粃脂沃雪融仙
瀆餘甘在塞上酥堪賽黃梁未熟休待飽迎朝旭曬朱
竹垞臺城路云瓜田幾稜區分後青青近依禾黍趣織
聲邊牽牛花外憤滴籬根清露捎溝倚渚伴錦里先生
小園秋暮野色柴門夕陽攜客斷畦語圓荷滿陂勻翠
晚來風葉響一樣踈雨白踏泥中紫收霜後便好開筵
場圃然糠煨處聽昵昵空村夜闌兒女深盃糲糊曉光
聞櫟釜

香芋形如土豆而味甘美皮黃肉白莖葉如扁豆引蔓開

花花落即生名曰落花生近時馬朗山詩云結實何般
不落花獨君子結在泥沙全然不與根株附花樣應無

第二家

甘露子一名地蠶作環一名土蛹一名草石蠶一名滴露

一名地瓜兒二月生苗近尺方莖對節狹葉有齒有毛
開小花成穗子如荊芥其根聯珠狀如老蠶蒸食味如
百合楊誠齋詩云甘露子甘露子喚作地蠶亦良似不
食柘葉不食桑何須走入地底藏不能作繭不上簇如
何也蒙賜沐浴呼我果謂之果呼我菽謂之菽唐臨臯
錯莫逢他高陽酒徒咀爾不搖牙

土芋一名土豆一名土卵一名黃獨蔓生葉如豆根圓如
卵肉白皮黃可蒸食

甘藷一名朱藷一名蕃藷大者名玉枕藷形圓而本末皆
銳形似薯蕷肉紫皮白亦有黃紫皮者質理膩潤撲地
傳生一莖蔓延至數十百莖節節生根可以充糧可以
備荒可生食蒸食可造粉可造酒明徐元扈謂其有十
二勝東坡句云煮得占禾半是藷

蘿蔔一名萊菔乃根名菘乃菜名也南人呼為蘿他一名
來服言來麩之所服一名蘆菔一名雹菔爾雅菔蘆菔
一名紫花菘一名溫菘一名齊根蕪菁屬也北人春曰

破地雖夏曰夏生秋曰蘿蔔冬曰土酥有紅白二種莖
高尺餘開小花紫碧色夏初結英子黃赤色根葉皆可
生可熟可菹可醬可豉可醋可糖可腊可飯乃蔬
之最有益者唐杜少陵句云長安冬菹酸且綠金城土
酥淨如練宋黃山谷詩云密壤深根蒂風霜已飽經如
何純白質近蒂染微青朱子詩云紛敷翦翠葉津潤擢
玉本寂寞病文園吟餘得深齷元許道孚詩云性質宜
沙地栽培屬夏畦熟登甘似芋生薦脆如梨老病消癢
滯竒功直品題故園長尺許青葉更堪齷丁鶴年畫蘿
蔔云高氏賢兄弟常將脩夕餐如何清冽士今作畫圖

看近時吳梅村詩云幾葉青青古穿泥勿染痕誰人愛
高潔留汝歷涼溫輪囷形難老芳辛味獨存古來磐石
重不必取深根宋牧仲題錢舜舉畫蘿蔔云詩人昔賦
采葑菲土酥雖賤味則良嚙根萬事皆可就英雄種菜
如何妨雲溪遺老寫生手紙上如拳淨堪剖深衷抑鬱
待爾舒一飽怡然更奚取杭堇浦題畫芋豆蘿蔔云秋
蔬已除架冬菜又出土日日瀾清饒吾不如老圃金醉
墨詩云土酥嘉種孰能如歲晚生兒枝葉舒饋鮓換茶
醫風醉敲薑漚芥有餘咀桑蛾竹肉堪同和白糝霜蔬
好合居見說西河車載巨應同茄樹美堪茹

水蘿蔔形白而細長根葉俱淡無辛辣氣可生食

胡蘿蔔有黃赤二種大者盈握莖高二三尺氣如蒿開碎
白花又有時蘿子元時始自邊塞來又有野胡蘿蔔根
細小交河北有沙蘿蔔根長二尺大者徑寸色黃白氣
似胡蘿蔔又有野葡萄葉似葡萄故名可熟食

諸葛菜鄜風所謂爰采葑矣禹貢所謂包匭菁茅爾雅所
謂須葑蕪一名蕪菁一名芥一名莧一名九英松一名
馬王菜一名雞毛菜即蔓菁也苗名豐根為沙吉木兒
根長而白形如蘿蔔霜後特軟莖麤葉大而厚潤夏初
起臺開黃花四出如芥結角亦如芥子紫赤色他菜人

久食無穀氣即有菜色食蔓菁者獨否初夏食心亦謂
之薑諸葛武侯所止令兵士皆種之故名亦猶廣都縣
山櫟木謂之諸葛木也又有菲生下濕地似蕪菁爾雅
菲芴即土瓜也河內人謂之宿菜一作蔥菜唐韓昌黎
感春云黃黃蕪菁花桃李事已退狂風簸枯榆狼籍九
衢內春序一如此汝顏安足賴誰能駕飛車相從觀海
外宋蘇東坡狄韶州煮蔓菁蘆菔羹云我昔在田間寒
庖有珍烹常支折脚鼎自煮花蔓菁中年失此味想像
如隔生誰知南岳老解作東坡羹中有蘆菔根尚含曉
露清勿語貴公子從渠嗜羶腥張文潛詩云蕪菁至南

皆變菘菘美在上根不食瑤簪玉筍不可見使我每食
思故國西鄰老翁知我意盈筐走送如雪白蒸烹氣味
元不改今晨一餐如南北孔明用蜀最艱窘百計捃拾
無遺策當時此物助軍行渭上褒中有遺植英雄臨事
究瑣屑終服竒才屈強敵想見躬耕自灌畦當時有意
誰能測唐子西句云兔葵燕麥渾閒事只有蕪菁到處
生朱少章句云手摘諸葛菜自煮東坡羹放翁詩云往
日蕪菁不到吳如今幽圃手親鋤憑誰為向曹瞞道徹
底無能合種蔬近時王漁洋詩云為愛西川諸葛菜小
園連畛種蕪菁掘將帶露和羹煮也似東坡玉糝羹姜

紹白句云至味於今思淡泊軍行到處寓農桑鐵冶亭
詩云一掬行軍菜移根瑣院深花猶懷葛亮人孰繼韓
擒得飽同清味含酸識苦心膽瓶無別種留伴短長吟
又用工部古柏行韻云程材不問松與柏垂世不問金
與石物以人重過已竒長短何須計寸尺諸葛菜名傳
自誰鬱鬱郊原春可惜循名如重首陽薇一代山河照
清白當年割據蜀山東瞥眼蓬蒿滿故宮離離禾黍秋
原靜濯濯罔巒山木空是菜不隨兵燹變一年一度滋
春風芟芟小草不忘報如為丞相標竒功嗟爾材難中
梁棟溷迹荒山世罕重適口應須菜甲香頃筐誰倩園

丁送甘隨苦李棄道周不與桐花飽么鳳小山叢桂摧
作薪敢倚虛名溷世用

紫芥芥之屬也芥一名辣菜一名臘菜

冬月食者名之春月食者為春菜四

月食者為夏菜

亦名諸葛菜本草芥菹一名水蘓一名勞祖有

青芥白芥一名胡芥一名蜀芥南芥刺芥旋芥馬芥花

芥石芥皺葉芥芸薹等類皆菜之美者芥極多心嫩者

為芥藍極脆惟紫芥花莖純紫可愛園亭中多種之唐

錢仲文石芥云淵明遺愛處山芥綠芳初翫此春陰色

猶滋夜雨餘隔溪煙葉小覆石雪花舒采采還相贈瑤

華信不如宋陸放翁石芥云古人重改陽城驛吾輩欣

聞石芥名風味可人終骨鯁尊前真見魯諸生長安官
酒甜如蜜風月雖佳懶舉觴持送盤蔬還會否與公新
釀鬪端方朱新仲山芥云濕帶青烟古澗濱氣含石理
助芳辛山中酒醒涼生腦乞與文園渴肺人又云蔚然
蒼石底有此紫玉釵朱子詩云黃龍記昔遊園客有佳
遺不謂洛生吟輟餐時擁鼻誠齋詩云茈薑馨辣最佳
蔬蓀芥芳心不讓渠蟹眼嫩湯微熟了鶩兒新酒未醒
初振香醋釀作三友露葉霜芽知幾鉏自笑枯腸成破
窠一生只解貯寒菹梁次張舉似石芥云擷根山石貯
瓶罌柱後緘題見者頽風味莫嫌無蘊藉盃棹甚解作

聰明願言則噀傳心事搔首踟躕散宿醒最是徂徠名
道地至今姦膽亦橫驚明吳匏菴詩云惟芥本菜類秋
深掇而藏此種乃野生已向春初長紫花布滿地葉嫩
亦堪嘗氣味既不辛却與芥同行北人無不食木枿與
草芒入盤以油和齒頰流肥香又詩云滿目爛斑布地
來春風幾見錦灰堆菜根作苦終嫌咬茗葉浮香為撥
開何處兔葵嗟競掇昨朝馬蘭悔多栽傳聞此種番邦
致用向中華亦楚材近時王漁洋石芥云腸肌不乞胡
奴米酒渴欣聞石芥名一啜冰壺勝薑桂徂徠風味逼
人清錢稼軒諸葛菜花云紫翠紛芭壓砌攢大名留得

許多般成都八百桑株下小草猶堪薦玉盤先伯祖蓮
坡公青玉案詞云離離綠徧山腰路漸紫萼紛無數老
盡英雄空閉戶灌園人遠把鉏人去寂寞聽春雨微名
拾處偏多悞算身世堪為圃莫向瑯琊尋舊譜張梨已
杳邵瓜無據名借留千古

萑一名萑菜因自尚國來故名一名千金菜俗呼蓋為
百歲羹可對葉似白萑而尖嫩多皺色稍青四月抽臺
高三四尺生食亦可糖醬少陵詩云陰陽一錯亂驕蹇
不復理枯旱於其中炎方慘如燬植物半蹉跎嘉生將
已矣雲雷歛奔命師伯集所使指揮赤白日瀕洞青光

起雨聲先已風散足盡西靡山泉落滄江霹靂猶在耳
終朝紆颯沓信宿罷瀟灑堂下可以畦呼童對經始莖
兮蔬之常隨事藝其子破塊數夕間荷鋤功易止兩旬
不甲坼空惜埋泥滓野莧迷汝來宗生實於此此輩豈
無秋亦蒙寒露委翻然出地速滋蔓庭戶毀因知邪干
正掩抑至沒齒賢良雖得祿守道不封已壅塞敗蘭芝
衆多盛荆杞中園陷蕭艾老圃永為耻登於白玉盤藉
以如霞綺莧也無所施胡顏入筐篚

壺盧俗名葫蘆象形故名一名瓠瓜一名匏瓜一名葵姑
一名蒲蘆蔓生大小數種須架起葉圓有小白毛面青

背白開白花結實白色瓢中有子如齒列而長謂之瓠
犀有甘苦二種項短大腹曰瓠細而合上曰匏似匏而
肥圓者曰壺細腰者今之藥壺盧廣志謂之約腹壺卽
風匏有苦葉豳風八月斷壺小雅甘瓠累之周禮場人
樹之果蓏蓏瓠屬皆是爾雅翼天之瓠瓜星一名天雞
在河鼓東卽曹植洛神賦所詠也莊子憂其瓠落韓非
子喻以堅瓠鷓冠子中河失船一壺千金淮南子百人
抗浮不若一人挈而趨也浮瓠也可為羹可蒸食可作茶酒
瓢清異錄呼為淨街槌唐杜少陵除架云束薪已零落
瓠葉轉蕭疎幸結白花了寧辭青蔓除秋蟲聲不去暮

崔意何如寒事今牢落人生亦有初鄭審匏歌云華閣
與賢開仙瓢自遠來幽林常伴許陋巷亦隨回挂影鄰
紅壁傾心向綠杯何曾斟酌處不使玉山頽宋楊誠齋
詩云笑殺桑根甘瓠苗亂他桑葉上他條向人更逞收
藏巧却到桑梢挂一瓢金麻九疇詩云為愛胡盧手自
栽弱條柔蔓漸縈回素花飄後初成實碧蔭濃時可數
枚試問老禪藤繳去何如游子杖挑來早知瓠落終無
用只合江湖養不才元謝宗可詩瓢云兩蔓桑條老翠
壺吟邊不是酒葫蘆剖開架上輪囷玉着盡甬中錯落
珠滿貯苦心留宇宙深藏清氣付江湖誰家半腹能干

首為問山人果在無范梈種瓠云豈是階庭物支離亦
自竒已殊凡草蔓綴得好花枝帶雨寧無實凌霜必有
為啾啾羣鳥雀從汝踏多時又詩云嘉瓠吾所愛孤高
更可人不虛種植意終繫發生神有葉誠藏用無容豈
識真明年應見汝衆子亦輪囷明高青邱摘瓠云輪囷
卧霜露秋曉摘初歸自笑詩人骨何由似爾肥近時金
醉墨瓠腹云朝攜盧熟似壺封大腹之中積累重五石
水漿堪滿貯漢書序傳足涵容淺深涉見輕浮體甘苦
分知落拓胸亦既菴菇寬內度豈終拘繫不飡饗家初
白葫蘆燈云四垂羅帶影飄飄一綫中懸愛細腰莫傍

市門輕銜影有人依樣要偷描瓶口紅光忽吐蛻醉人
相對舌如箕却因酒具名相似記起花時鳥勸提

瓠子江南名扁蒲蔓生就地苗葉花俱如葫蘆結子長一
二尺亦有短者可煮食

茄子一名落藕一名小菰一名崑崙瓜有紫青白三種老
則黃來自暹羅紫者又名紫膨膨白者又名銀茄又一
種白者名渤海茄又一種稍扁謂之番茄一種水茄形
稍長亦有紫青白三色根細末大株高三四尺葉如掌
秋開紫花五瓣五稜蒂包其茄茄中有瓢子如脂麻實
可糖可醬可糟可作食香茄蝙蝠茄芥末茄燒茄鶴鶩

茄蒜茄宋張芸叟頌云身累百贅頸附千疣採之不勤
茹之頗柔黃山谷謝送銀茄云藜藿盤中生精神珍蔬
長蒂色勝銀朝來鹽醢飽滋味已覺瓜瓠漫輪囷君家
水茄白銀色殊勝埧裏紫彭亨蜀人生疏不下箸君與
北人俱眼明白金作顆非椎成中有萬粟嚼輕冰戎州
夏畦少蔬供感君來飯在家僧畦丁收盡垂露實葉底
猶藏十二三待得銀包已成穀更當乞種過江南鄭安
曉詩云青紫皮膚類宰官光圓頭腦作僧看如何緇俗
偏同嗜入口原來總一般元錢萬青秋茄圖云憶昔毘
山愛寫生瓜茄任我筆縱橫自憐老去翻成拙學圃今

猶學不成明吳匏菴題畫茄云種茄糞壤中地力亦易
竭厥狀雖不同難將味分別陳白沙荅送茄瓜云兩頭
肥綠壓肩斜五月江園始送瓜童子近前與翁語小籃
瓜底是新茄同將形色委人間竊比高松一鶴閑口腹
累人都未免茄瓜籃裏又詩還董思白紫茄云何物崑
崙種曾經御苑題似葵能衛足非李亦成蹊落實尋常
味攀條徑寸低玉盤如可薦寧復悵雲泥欲辨嘉蔬種
應同藿食人纍垂貪結子低矮巧藏身被壟千苞赤連
畦萬顆勻清齋頻撷取老圃未生嗔纂纂稱天茁芊芊
見土毛知非豐歲寶聊佐腐儒餐落處寧為瓠投來頗

似桃米家圖矮樹怪爾矗雲高卑棲性所便尺五即為
天每帶胭脂色來登玳瑁筵江蓴下豉美葍醬點庖鮮
能誤青鞋客忙趨過邵田不敢怨無詩秋嘗詠菊時封
關丸可弄覆餗印何纍槐國分陰近焦僥假蓋遲誰知
謙吉意更好助觀頤近時沈歸愚題蔣南沙畫茄云收
回畎畝身園蔬解藝詩白莧榮夏初紫茄長夏季相逢
畫圖中華與實俱備紮紮露下垂澹澹風前媚寫自南
沙公頗得趙昌秘彷彿觀豳風細及瓜壺類從知調燮
人不忘田家味哂彼何曾徒空然恣豪貴朱竹垞臨江
仙引詞云隴上紫瓜好黛痕濃抹露貫低懸趁朝日畦

丁密灑冰泉桑邊看長蒂剪纍纍綾葉底光圓筠籃滿
餉白牛蕭寺赤馬吳船筵前生踈蜀客犀箸催下茫然
笑千龐萬粟許配芳鮮嬋娟愛輕繡染香衫色比似花
妍閒無事寫家蔬添箇小蝶新蟬吳梅村茄牛云擊鼓
喧闐笑未休泥車瓦狗出同遊生成豈比東鄰犢敲棘
何來孺子牛老圃盤殮誇特殺太牢滋味又常羞看他
諸葛貪遊戲苦鬪兇曹巧運籌張亦巢茄牛云置尾裝
頭老特成戲牽几案作春耕耳因露潤真能濕色自天
生却類駢棄入高厨如轂釀蒸為清供即犧牲夜來龜
鼠防侵食乾蒂猶看兩角橫尤悔菴茄牛西江月詞云

小菜放於牧野太牢起自田家樊遲老圃大排衙演出
伯牛司馬入甕莫愁敲棘着鞭却喜了义兒童牽線笑
喧譁唱道夕陽來下又有苦茄野生嶺南樹小有刺子
塗癰腫又有緬茄出緬甸大而色紫蒂圓整蠟色者佳
劉屏山緬茄云緬甸實如瓜垂金粦秋色誰刻紫瓊瑤
玲瓏投遠客

黃花菜一名黃瓜菜正二月採熟食 白鼓釘一名蒲公英

英一名耩耨草一名金簪草一名黃花地丁四時皆有
惟極寒天小而可用 剪刀股春採生食可作齏 猪
殃殃猪食則病故名春採熟食 絲蕎蕎二三月採熟

食四月結角 牛塘利二三月採熟食可作齏 浮蕎
夏生水 中六七月採 水菜秋生水 田狀類白菜 看
麥娘隨麥生隴上因名春採熟食 狗腳跡霜降時葉
如狗印熟食 破破衲臘月生正二月採熟食 燕子
不來香早春採熟食 燕來則腥 狗獠腳跡以形似三
月採熟食 眼子菜六七月採生水 澤中葉青背紫莖
柔滑而細長數尺熟食 猫耳朶正二月採和粉麩作
餅蒸食 籩籬頭臘月採熟食入春不宜用 鴈腸子
二月生如豆芽菜生熟皆可食 野籬落正二月採湯
焯過可食 羊耳禿二三月採熟食 油灼灼生水邊

葉光澤生熟皆可食 燈蛾兒二月採熟食 芽兒拳
正二月採熟食 板蕎蕎正二月和羹炊食三四月結
角不堪用 天藕兒根如藕而小熟食稽葉不可用
老鸛筋二月採熟食可作羹 鶯觀草正二月如麥青
炊食 牛尾瘟牛食之則病生深水中葉如髮莖如藻
冬月和魚煮食夏秋亦可食 兔絲根與兔絲名同物
異一名兔絲苗春採苗秋冬採根蒸食多食則令人眩
暈 草鞋片二三月採熟食 抓抓兒秋深採之日乾
和穀著食如粉清香可愛 雀舌草以形似初生時採
熟食以上見野菜譜

嘉樹菜餘替之南南極之崖產之色芳碧見呂氏春秋

雞候菜生嶺南似艾二月生苗宜雞羹又冬風菜陸生宜

肉羹俱見廣州志

優殿出合浦以豆醬汁茹食之香美見南方草木狀

箱根以為菹香辛見廣志

買菜見吳志孫皓傳生工人吳平家高四尺厚三分如枇

杷上廣尺八寸下莖廣五寸兩邊生菜綠色一名平慮

草又有專蹄菜見吳書用倉鰈以為羹

芸薇有三種一名芸芝色紫為上蔬味辛色黃次之味甘

色青又次之味鹹見拾遺記

穀菜生水中見字林

菹菜紫色有藤 藟菜葉似竹生水旁 荇菜似蒜生水

中 纂菜似蕨 藕菜似蕨生水中 莖菜似蒜生水

邊 唯菜似烏韭而黃 菘菜生水中大葉以上俱見

齊民要術

羞菜出安南蔓生水上甘美可食人過池中以手指曰爾
羞否即憔悴人去漸青如初見異物志

佛土菜貞觀中健達王所獻五葉赤華紫鬚見唐書西域
傳

孟娘菜出江淮益肉食見酉陽雜俎

羅漢菜出江西南昌蘄州亦有之葉如豆異僧所種 根
子菜似蔓菁而大湖廣安陸有之見一統志

龍芽菜有樹龍芽似椿而大地龍芽葉亦相似 杏葉菜
葉似杏 歪脖菜似杏葉菜而大圓梗至頂稍彎故名
山蔬之美者俱見 盛京志

龍巔菜似椿樹頭有刺似白芥菜滿山自生九老洞生者
尤佳見峨眉山志

高河菜出大理高河中莖紅葉綠味辣五六月採高聲則
雲霧起風雨至蓋龍湫也 蓮花菜出大理洱河東上
滄湖相傳蒙詔時觀音大士化箭鏃所成見雲南志